

古今說部叢書

第八集

三

竹垞小志卷一

學使者阮元手訂

嘉興楊蟠編錄

竹垞朱先生錫鬯別業也。先生性好竹。徙宅十餘次。必擇有竹之地以居。康熙己酉。歸自山左。買宅於鄰。宅西有竹。因以竹垞自號。宛平孫侍郎退谷題扁。海陵曹次岳作圖。其楹帖云。會須上番看成竹。何處老翁來賦詩。先生集句。汪檢討舟次書。垞約五畝。有南北兩垞。周圍壘石爲牆。編枳爲籬。饒有幽趣。康熙丙子夏。結暴書亭於南垞。垞之中有鳥有魚。有羅浮之蝶。岸有槐柳。水有芙蓉。藝蘭於砌。種芋於陂。奇花異石。靡所不有。先生暇日。恒與朋舊觴詠於此。其諸景次第補綴。間有更易。今就先生初定十二景列爲一卷。並分附南北兩垞詩。俾後之游者有所攷焉。

竹垞

在梅里南荷花池之上。望之竹樹交蔭。蔚然深秀。

先生題竹垞壁詩。買斷竹垞將四載。園林新筍未經嘗。今來散帙時初夏。忽見抽梢喜欲狂。背市有人沽濁酒。南鄰許我借匡牀。江村穩臥真堪樂。愁說

古今圖書集成
燕雲射獵場。

又送鄭培南還詩。長安似爾客最久。自別舊鄉今八年。五里亭邊傾薊酒。一帆風末挂吳船。承顏正好趨庭日。生計須謀負郭田。莫以故人歸未遂。卜居不與竹垞連。

又潞河遙送湯駟南還詩。竹垞三徑也蕭然。歸夢天涯又隔年。倘肯結鄰長水市。開門同對小池蓮。又送家司理昇之官義帽詩。新分明府綬。舊詠法曹詩。異地難爲別。頻年最見思。賢聲花縣起。歸計竹垞遲。縱使音書隔。山川夢見之。

又爲程可則題畫詩。年來新卜竹垞居。對此雲峯愧不如。忽憶君家珠海曲。木棉花下滿牀書。

又題張上舍劭竹林獨坐圖詩。十年不對鄉閭竹。垞北垞南思殺人。輸與君家行看子。一叢占斷小園春。

徐永宣秋日訪朱錫鬯先生詩。沈尤村僻絕塵寰。千个篔簹水一灣。學道

著書無個事。滿庭黃葉對秋山。

李良年懷錫鬯詩。結廬共有溪南約。羨爾閒窗對白雲。今日池邊看青竹。竹垞雖好不逢君。

李符竹垞對雨詩。西鄰煙舍晝開扉。不惜衝泥日再經。總是好春何厭雨。但逢雅集便宜亭。溪魚撥刺投竿得。山鳥緜蠻倚樹聽。載酒花時尋勝地。無如南踏兩峯青。

譚吉璫和鴛鴦湖權歌。竹垞聽說梅溪上。透屋修篁萬个餘。何日結鄰棲傍舍。然糠同照夜深書。

沈季友題小長蘆圖詩。拋他杜曲韋曲。還我雲村水村。畫裏兩垞不遠。蘆中直到柴門。

郭徵竹垞詩。垞西南北竹縱橫。露卻東偏放月生。就裏樊籬分雅俗。半霄淨綠拓詩城。

先生歲除。同兒子對雪懷鄉里。作調寄鞦韆毬詞。寒雀飲層檐。正萬里同雲。

催暮。去年曾記梅花溪。上童孫喧笑。紛紛團就玉獅鹽虎。回首亂山如許。對孤燭異鄉同住。遙憐千里老妻無恙。竹垞門掩。多應壓徧小園高樹。

又戲題竹垞壁。調寄風中柳詞。有竹千竿。寧使食時無肉。也不須更移珍木。北垞也竹。南垞也竹。護吾廬幾叢寒玉。晚來月上。對影描他橫幅。賦新詞竹山竹屋。邗筒一束。筍鞋三伏。竹夫人醉鄉同宿。自注竹山蔣捷詞名竹

屋高觀詞名也

又索次岳畫竹垞圖。調寄百字令。詞詳第四卷。

先生看竹圖記。寧都魏叔子與予定交江都時歲在辛亥。明年予將返秀水。錢唐戴蒼爲畫煙雨歸耕圖。叔子適至。題其卷。於是叔子亦返金精之山。蒼爲傳寫作看竹圖。俾予作記。予性癖好竹。甲申後。避兵田舍。凡十餘徙。必擇有竹之地以居。其後客遊大同。邊障苦寒。乃藝葦以代竹。旣而甯山東。見冶源修竹數百萬。狂喜不忍去。歸買宅長水上。曰竹垞。叔子過予言金精之峯十有二。其一曰翠微。易堂在其上。梧桐桃李行植。獨竹不生。種之自叔子始。

近乃連岡下。上無非竹者。蓋予兩人嗜好適同也。珍木之產。由兩葉至尋尺。歲久而林始成。又或萎於霜。或厄於閏。若夫竹苟護其本。則末乃直。上匪特有君子之守而已。其勃然興起。突怒無畏。類夫豪傑之士。拔泥塗而立。加萬夫之上。叔子居易堂讀書。且二十年。天下無知叔子者。一旦乘扁舟。下吳越。海內論文者。交推其能。若竹之解於籜。而驟于夫煙霄也。文章之爲道。亦猶種竹然。務去其陳根。疏而壅之。其生也。柯葉必異。然則叔子毋徒恃其已學者而已。

北垞 荷花池之北。醜舫之西。皆北垞也。

先生題畫竹詩。疎筠个个倚風輕。忽憶鄉園宿雨晴。三畝宅西桐樹北。此時新筍又應生。

又題王叔楚墨竹。爲家上舍載震賦詩。畫家畫竹專用墨。李波文同已難得。後來能事吳仲圭。橫斜曲直無端倪。誰爲此圖王叔楚。意匠豈必全師古。竹之大者一尺強。其餘瑣細抽風篁。山泉泠泠走石罅。可惜無人坐銷夏。潛江

主人購得之。索我點筆題新詩。吾家長水一茅屋。北垞南垞都是竹。每憶園林燒筍時。不戀樹雞及榆肉。海陵曹岳爲我畫作圖。藥爐茗椀書籤厨。年來松菊成榛蕪。對此臨風一惆悵。歸與歸與范蠡湖。

朱琪壽芋陂六十詩。垞北藏書屋。騷人初度逢。客來皆舊雨。門對獨長松。野岸春容近。糟牀臘酒濃。采衣看盡好。萬里憶頭龍。自注長君自天時

客嶺表

朱稻孫送楚光表叔入都詩。把酒忽言別。空歌起北垞。客行千里月。春盡一園花。芳草王孫路。平臺帝子家。舊游能記憶。賦雪久爭誇。

南垞 荷花池之南。有暴書亭。青桂巖。茭池。芋陂。桐階。同心。蘭砌。菊塍。諸景。

先生春日南垞雜詩。入春風雨太連綿。著屐扶筇越陌阡。鄉里兒童莫嘲笑。已過七十杖朝年。自注七十杖於朝本祭義 睡起三商未覺遲。春衣典盡漫嗟咨。諸公滾滾黃河岸。正值桃花水上時。

十年手種池南樹。今歲纔分花白紅。尚有舊游三叟在。不知更醉幾春風。自

注謂繆泳鄉羽鏡枋

舍外青鳩解喚晴。籬根玉版漸抽萌。無兒可遣修雞柵。客至生憎膈膊鳴。
社公小雨不粘沙。瞥見迎風燕子斜。料是東家巢已定。但來花底啄芹芽。
移種盆松六尺強。欲當車蓋蔽斜陽。不知黛色成陰日。此地何人結草堂。

按竹垞向唯醞舫西偏一帶有竹。已而拓地於池南。亦移竹種之。所云
垞南宜得翠筠看。上番移來近百竿也。最後築暴書亭其中。而南垞始
擅其勝。池上編籬詩云。試添隔岸香茅屋。眼見南垞勝北垞。是也。今則
北垞僅存老竹數竿。南垞則惟菱池一勺。枯柳數株而已。

又暴書亭偶然作垞南宜得翠筠看。上番移來近百竿。昨夜疾風吹拔木。老
夫差喜竹平安。

又高斯億爲予畫竹。以三絕句報之。錄一首。舊種南垞竹。圖中勝百分。歸裝
無長物。得此卽封君。

又南垞晚步詩。荷風剛罷浴。蘭畹已新涼。高樹下歸鳥。小窗明夕陽。蛇牀秋

草徧魚尾暮霞長。老圃論生計。纔收一稜薑。

又舍南池上從秋錦十九兄乞垂柳栽詩。開門南垞南。菱池平且廣。爲乞垂柳栽。春風步池上。十畝桑者側。五株桃樹前。他時君過我。五月坐聞蟬。

龔翔麟過朱檢討竹垞話舊詩。小長蘆釣師。平生所皈仰。結契四十年。久要非比鄰。每欲從之遊。讀書證疑罔。舟颿不易戒。有約屢成謊。今日願始諧。出門庶不枉。步屣入南垞。竹梧欣舊賞。一笑攬襟袪。連宵話疇曩。可恨榜人催。於心終怏怏。

沈岸登題小長蘆圖詩。新蓋暴書亭子。垞南正有閒田。我意別裁東絹。戲拖墨竹便娟。

李長年題灞橋詩思圖小照。爲竹垞賦。曾向東華聽曉雞。幾回懊惱雪成泥。還山卻愛連山白。夢得垞南萬竹低。

朱昆田小園散步詩。閒拖竹杖到南垞。雨後新涼透薄紗。莫怪小園秋太澹。牽牛新引一籬花。

吳銘道沈寅中箋竹垞先生詩集成詩。隔浦南垞望北垞。網羅遺墨待
侯芭。書成亟欲煩青竹。博物全勝三十車。

醜舫 舫三楹。在潛采堂之西南隅。金陵鄭谷口。簾書額。梧竹環之。庭陰空翠。
與插架丹黃相映。先生晚年。招弟子王布衣。沈秀才翼。朱上舍琪。同次
孫稻孫讀書其中。

先生懷鄉口號詩。醜舫西偏盡竹梧。紫微山石儘教鋪。兒童鄉里堪娛日。不
用千金買佛奴。自注醜舫
余齋名

又醜舫卽事詩。破窗風雨濕書籤。睡起明星忽在簷。最喜蛛絲梢竹尾。牽牛
花翠曉來添。

查慎行醜舫銷夏分賦涼篷聯句詩。平鋪一面席。高出四邊牆。慎行雨似撐
船聽。風疑露頂涼。魏坤片陰停卓午。仄景入斜陽。朱彝尊忽憶臨溪宅。松毛透

屋香。慎行

郭徵題醜舫詩。醜舫窗篷覆竹梧。八分鄭畫老來麗。沾唇我鮮三升量。也

挈吟瓢混酒徒。

朱琪醜舫看竹詩。垞北垞南竹滿林。短牆繞屋見清陰。昔年夏日消閒地。猶記親書醜舫箴。自注先生書手書醜舫箴以贈齋名舊日曾題句。梧竹西偏人共知。今歲上番看漸少。秋風應種小春時。

又重集醜舫看桂詩。舊日藏書屋。花開拓八牕。主人留客坐。夜夜倒秋缸。香滿交枝樹。思橫萬頃江。頻過知不厭。詎忍滯歸艤。

又九日同元仲過醜舫詩。寥落重陽日。相逢且笑歌。縱虛籬下酌。仍許草堂過。逸興朋遊少。閒愁節物多。東溪還往約。歲月恐蹉跎。

又讀暴書亭集感懷詩。醜舫桐陰依舊清。年時載酒幾門生。秋風忽憶池南路。忍說羊曇醉後情。

王滋九日集醜舫桂樹下。分賦得緩字詩。九日思尋山。花下得所歎。素心既已借。旨酒殺辭滿。不聞街鼓催。欲行且復緩。

朱稻孫醜舫納涼詩。斜日穿修竹。疎桐覆短牆。涼風三面至。一枕黑甜鄉。

又醞舫卽事詩。節未逢寒食。傷心已禁煙。欲臨求米帖。久讀絕交篇。樹有新禽集。牀無故客眠。淒涼桐竹下。卽景淚潸然。

楊爲裘和王上陶。浹夏日同諸子集醞舫。分賦得此字詩。醞舫近北垞。吾黨昔所企。茲焉復經過。開徑桐陰裏。此地洵足娛。卽事亦可喜。酒闌暑亦忘。吟成興未已。晚色淨陂塘。涼風過沙沚。竹翁已千秋。題襟疇續此。

朱翰宣醞舫桐花詩。爲愛茲花特地來。樹頭風急雨頻催。明朝再過池南路。只恐殘香掩碧苔。

先生構李詩繫序。比來索居長水。編輯有明一代詩。陸子聚縱過醞舫。貽示南疑沈君構李詩繫。其於逸民寓公方外閨秀。蒐羅甚備。余頗得什一之助。鄭元慶石柱記箋釋自序。頃借書醞舫。得宋槧石柱記載山川陵墓。亾者三之一。其存而不可信者亦三之一。吾湖浙西佳郡。何不幸而使數百年文獻無徵。至於此極耶。竹垞先生。惜其殘闕。爲補記二縣。余乃一牋釋。甫脫藁。先生見之賞擊。命鈔副本藏暴書亭。

張大受六峯閣詩藁序。稼翁少孤。日侍先生於醜舫。聽說經史。出入必負杖。從得秘本。必令稼翁校勘繕錄。耳目濡染甚深。

先生醜舫箴。吾齋之中。有客萃止。能飲飲之。不能者已。奕屏楸坪。博捐盧雉。豈無樂方。令以經史。賓有端言。主無苛禮。罔稱人惡。罔諛人善。第話桑麻。勿論朝市。勿涵勿沈。勗哉君子。

桐階 在南垞暴書亭之前。與蘭砌相並。桐只兩株。先生題侯開國鳳阿山房

圖詩云。吾家亦有三畝宅。千个篔簹兩樹桐。是也。

先生夏日雜興詩。桐陰細細白花攢。吾愛吾廬暑亦寒。縱少圍碁消水日。也應騎馬勝麗官。

郭徵桐階詩。百尺瓊枝架屋陰。放懷歸作舊巢吟。桐花小鳳調紅嘴。啄遍

香苞撲滿襟。

朱稻孫徐懷仁桐化聯句詩。庭中孤生桐。稻孫朱夏華始吐。午風發細香。懷徐

仁拓南 檐瓦逗輕雨。壺盞猶排衙。稻孫斯螽剛動股。參差墮游絲。懷仁翩翻來翠

羽鬱鬱柯相交。孫離離實待數。向榮勝高岡。仁接葉冒下土。愛茲明月皎。

孫重以零露漙。攢攢試雞心。仁瑣瑣垂馬乳。又卒罷采采。孫狼籍誰拾取。

大火俄西流。仁秋聲破炎暑。孫

同心蘭砌。在南垞暴書亭之前。先是盆中蕙草作同心花。先生愛之。乃移種

於砌下。歲丁丑。又開並蒂。戊寅六月。又開同心並蒂。二花清芬馥郁。逾於

九畹。以先生父子著書其間。宜瑞應之。疊見也。

郭徵同心蘭砌詩。駢枝合朵錦心并。萬萬蘭中見此莖。這是仙苗無覓處。

謝家庭砌偶然生。

朱昆田戊寅六月。盆蘭忽放同心並蒂二花。各賦一律。索同人和詩。一雙

玉女鬪嬋娟。素質亭亭看比肩。蝴蝶作團停葉底。蜻蜓相戴立風前。宵幃

共結鴛鴦帶。曉鏡齊拈翡翠鈿。好與吳孃新鬢樣。不須依舊學秋蟬。右同心

弱翰同心已足誇。又看並蒂發瓊葩。水妃共踏承雲鞵。宮女爭勻襯臉

霞。丹竈紅休憐一線。珠江碧漫詫雙丫。自注閩之竈山產一線紅有花對節專之丫蘭一莖上兩

花皆貴。惟應插上麻姑髻。絕勝仙家綠玉花。右並帶

又余咏蘭二律。同人和者甚衆。聚猴謂與奇花寫照。以不用仙姝美女草

木禽獸蟲豸相比者為高。因再各賦一律詩。蘭譜曾誇大小張。分來好種

自金漳。八花尾簇玲瓏玉。雙素英飛菴藹香。曉露引風珠並綴。午風送蝶

夢俱長。狂思折贈傾城客。挂在珊瑚却月梁。右同笑他花史說吳潘。似

比駢頭畫亦難。雨後並開香細細。月中同立影嫋嫋。為雲只恐雙飛去。倚

柱還容盡日看。若使一年抽一箭。也應喚作我家蘭。自注朱僉判家所種閩人至今呼為

朱蘭右並帶

又三咏同心蘭詩。莫是蘭芝與蕙芳。羨他交頸學鴛鴦。黃輕似翦同功繭。

紫淺疑熏百結香。吟處傷心追楚客。分來纖手想閩娘。神光離合魂俱斷。

玉體橫陳夜未央。並帶蘭詩國香兩兩試精神。似欲雙棲共一身。互借

好丰姿綽約。交憐真骨象停勻。凌風冉冉扶紅索。按舞翩翩踏翠茵。待覓

畫師來寫照。障中長作比肩人。

陸奎勳和。潘紫施黃態未殊。漳蘭新樣茁紗縠。縷成八瓣花明玉。吸上雙
心露。迸珠添種留夷情便減。微吟梔子韻還輸。膽瓶折供清無匹。只放滕
王蛺蝶俱。右同雙頭菡萏乍填詞。並蒂蘭抽又索詩。露滴小毫添書譜。
根移纖手勝花師。魂消別浦迴眸處。夢破寒衾擁背時。趁取蠶缸開未足。
好分一箭寄相思。右並

戴公瑚和。梔子誰誇花入出。同心似爾我關情。只言澤畔孤根託。卻訝枝
頭嫩蕊并。看去芳顏如碧玉。猜來小字是雙成。品題別作幽蘭曲。譜入相
思弦裏聲。右同素葩開處不尋常。一對偏宜喚女郎。梳得雙丫雲作髻。
勝他六幅錦爲裳。吳山未羨岐牛好。丹竈須憐並蒂芳。花譜寒梅秋菊外。
應添香草亦鴛鴦。右並

戴鏌和。傳來好種自潘家。葉底翻新發異葩。露滴雙心香暗結。雲裁一朵
碧交加。合歡扇掩魂應斷。同夢人憐夜正賒。不羨唐昌觀中樹。簾前真見
八仙花。自注玉蕊一名
八仙花右同心

珍重芳蘭翠幙遮。枝頭綴處總堪誇。憐吾已比孤生樹。到眼偏愁並蒂花。深院對擊銀鑿落。曉窗初試玉丫叉。漫言百葉雙桃好。未許紅雲鬪碧霞。

右並蒂

張費源和。誰從空谷賞幽姿。一點芳心恰並持。月滿枝頭同入夢。風翻葉底不分離。醄醄繡簇輸他好。豆蔻香含遜此奇。試與秋娘初作佩。畫樓鎮日費相思。右同心 湘沅移根覆赤沙。駢頭異種數誰家。開來宜傍鴛鴦水。看去疑呼姊妹花。顧影互憐雲一碧。合歡何待月初斜。人間若解幽蘭意。不遣蘼蕪暗自嗟。右並蒂

青桂巖 在南垞暴書亭之前。

先生暴書亭偶然作。蜻蜓翅丹蝴蝶黃。白露滿園秋草長。靜聽桑斧斫叢棘。忽露一株巖桂香。

郭徵青桂巖詩。小山秋發桂枝叢。露冷花清月半空。一似林風忒峭厲。吹香故故著詩翁。

六峯閣 六峯謂東西峽石大小橫山及史兩峯也。閣在潛采堂後。青螺數點。俱在欄楯間。

先生題高學士江村圖詩。魚梁蟹餅水灣環。時有溪童放犢還。對此莊窠忽惆悵。何年歸臥六峯間。

郭徵六峯閣詩。爲收景色做雲屏。捲幔風微宿雨醒。淡盡秋烟吟倚閣。看山最好在遙青。

高裕來題秀州十六景索李鳴韶畫詩。莫道江鄉似掌平。翰林閣以六峯名。自注朱竹垞先一宵風雨飛靈鷲。近碧遙青腕底生。

馬維翰題青虬鍊師爲副憲錢公畫冊詩。服膺最是竹垞老。高閣餐霞對六峯。可惜峽山寺側。不曾小築面雲松。

陸紹琦題畫冊詩。梅里村南小結廬。六峯隱見舊山居。重來閣下人何在。空向雲亭問暴書。

繆綏武梅花溪踏春詞。天高木落野雲停。湧出芙蓉六朵青。可惜老成零

落盡金風莫問舊時亭。

槐泚

泚里志云。槐泚在暴書亭西。按泚與泚通。詩箋梅之言半也。先生分荷

花池北面之半爲泚。以上有雙槐因名。

先生飲刺梅園松下詩。吾家池上雙槐好。此樹連蟠想像間。最喜諸公盡吳語。一時把酒話鄉關。

又池上編籬偶成詩。槐泚菱池水一窪。好編六枳作籬笆。客來與乞平安竹。老去思栽頃刻花。農丈人唯知避俗。村夫子更懶移家。試添隔岸香茅屋。眼見南垞勝北垞。

郭徵槐泚詩。雙株槐古薛皮皴。朱老柴荆傍水澗。最是冷淘風日好。碧玲瓏葉細於鱗。

朱稻孫村居詩。槐泚臨門浸。茅亭對竹斜。鴉山烹露茗。蒲鶴煮浮瓜。但有涼風至。應無熱客譁。何當芟蔓草。看吐早秋花。

荷池

先生居荷花池上。所謂當門一水卽荷池也。沿池編籬。西峻詩云。六枳

爲籬裏釣家是也。池上安略約以通南垞。垞東南有隙地爲芋陂。爲荷花。晚色冷香。迥異他處。康熙丁丑六月曾開並頭花。人咸異之。

按年譜順治十四年丁酉十一月初八日。先生移居梅里荷花池上。

先生積雨詩。荷葉新抽一丈莖。柴門趨漲到磯平。黃鸝粉蝶不相見。唯聽鶉鳩逐婦聲。

又春日南垞雜詩。瓜頭水綠樹根流。蚤有活東池上遊。只少故人攜酒榼。醉

來新月送行舟。自注懷徐上舍

又荷花詩。梁間巢燕幾曾來。竈下狸奴去不回。猶有荷花憐舊雨。年年一爲

主人開。

郭徵荷池詩。暑耽疎豁拓牕紗。亭上香吹水面花。竹簟納涼茶盞好。碧甯

吸酒也無差。

繆啓武梅花溪踏春詞。西溪渡口落榆錢。東木橋邊泊酒船。劇飲行歌風

日暖。淶池荷葉已田田。自注朱竹垞太史所居地名荷花池上

朱昆田小池水深荷花至秋始盛。賦此志感詩。池水半篙綠。荷花秋始開。雨收殘暑去。風送暗香來。有恨紅衣斂。無言翠蓋延。後時君莫笑。物理細應推。

朱稻孫小池荷花盛開賦此志喜詩。轉眼陂東菡萏稀。要知踏藕計全非。但留半畝新花朵。開到貧家舊釣磯。翠鳥一雙看並浴。紅蜻千萬縱交飛。招涼兄弟團圓在。截取香筒好共揮。

先生康熙丁丑六月舍南池上作並頭花賦以紀異。調寄綺羅香詞。蕙草連葩。蘭英並蒂。慣在貧家盆甕。自注年時蕙作同心。花今夏又開並蒂。誰料今番雙頭水芝看涌。交卮勸金叵羅深。畫軸展玉丫叉重。笑莊窠半畝平池。翻羸三十六陂種。

谿亭容我小住。那費桃根桃葉隔江迎送。臥穩風前一任冷香吹夢。愁遮了葉底難扶。描不到花心徐動。除非喚薛夜來過。繡成針七孔。楊柳陰中。菰蒲雨外。一柄犀株通體。並著花房。宛似仙蛾雙鬢。算只有蜀苴同心。祇認得嶧桐連理。又爭如水珮風裳。嫣然交影鏡香裏。約開渚蘋汀蓼。恣與纖

鱗隊闌紅游戲。第一輕舟。莫放采香人。棹。渾不管翠蝶衣翻。生怕是綠雲風起。問沙岸頭白鴛鴦。舊來曾見幾。

沈岸登題竹垞並頭蓮詞後詩。紅玉雙擎漢盞杯。溫風別費剪刀裁。定知茅屋詩人在。故向亭陰作意開。朋牋雙調綺羅香。比似蕢洲籛譜強。有約重過聽按曲。闌紅一舸話斜陽。

先生道珍堂記。康熙三十有六年冬。太守廣寧黃公來知嘉興府事。入郛則瓦礫塞乎渠。及堂塗則榛芴接於徑。爰與邦人士謀。思營葢而疏瀹之。念民力未遑也。明年夏。案無留牘。乃庀材鳩工。先治其廡。斲椽。聖。子來恐後。於是彝尊方居。長水之南。池中芙蕖。一花並蒂。紅衣綻綠。房垂繡螺。實以公嘉績之所召也。以奉公。公適諏是日。立柱礎。架案廡。遂貽書請名其堂。

按康熙三十六年冬。應作三十五年冬。則明年夏句乃合。蓋三十五年爲丙子。次年爲丁丑。先生詞及年譜。俱云丁丑六月可證也。

芋陂 陂在暴書亭東南。較荷池稍小。先生自題竹垞圖云。況有蔗芋閒田。竹

梧舊徑。客至堪杯酌。夏日詩云。風多盡卷桔槔水。旱甚將枯蔗芋陂。茶烟閣咏芋詞。有圓荷滿陂勻翠云云。殆亦指此。今錄於後。

郭徵芋陂詩。種學農師半稜田。秋風蟋蟀芋頭圓。長時白雨捎溪足。錯認翻珠是渚蓮。

先生咏芋調寄臺城路詞。瓜田幾稜去聲區分後。青青近依禾黍。趣織聲邊。

牽牛花外。慣滴籬根清露。捎溝倚渚。伴錦里先生。小園秋暮。野色柴門。夕陽攜客斷畦語。圓荷滿陂勻翠。晚來風葉響。一樣疎雨。白踏泥中。紫收霜後。便好開筵場圃。然糠煨處。聽呢呢空村。夜闌兒女。深杯模糊。曉光聞揲釜。

繡鴨灘 梅里志在暴書亭東。

先生積雨詩。水木陰陰夏尙寒。桑枝風戾幾曾乾。莫愁著屐衝泥遠。小舫撐過繡鴨灘。

又送徐甥焯之豫章詩。繡鴨灘頭水滿磯。豫章西去一帆飛。心傷慈母停鍼線。臨發誰縫九月衣。

郭徵繡鳴灘詩。軟莎窩暖綠莎低。接翅萍香水拍堤。貪把釣竿看鴨鴨。却忘牕下聽談雞。

朱昆田題硯溪紅豆書齋詩。吾家父史兩山東。小小莊窠與此同。細雨衝泥跨秧馬。肥波射鴨把桃弓。

楊謙梅溪百詠詩。池上紅蕖掩冉香。池中一一錦鴛鴦。舟從繡鴨灘邊泊。

消夏渾忘夏日長。自注荷花池在市南。鴨繡灘在其東。

落帆步。在長水塘荷池之西。

郭徵落帆步詩。阿孃船放短篷桅。漁火東西水柵開。梅里詩人湖海客。幾番風雪夜歸來。

暴書亭。在南垞之北。先生詩云。主人五畝園。暴書亭在北。是也。亭築於康熙

丙子夏。短檻虛櫺。便於散帙。所謂空明無四壁也。落成後。名公巨儒。咸來游憩。年譜康熙丁丑三月。吳江潘次耕來閱暴書亭藏書。已卯。宣城梅定九過訪。先生送之成百韻詩。末句云。卓午詎忍去。徘徊暴書亭。蓋紀實也。

今亭已圯。惟嚴中允蓀友題扁尚存。

按年譜康熙三十五年丙子夏。結暴書亭於荷花池南。爲游憩之所。有菱池。芋陂。桐階。同心。蘭砌。青桂。巖繡。鴨灘。落帆。步諸景。

先生暴書亭偶然作詩。拓得園基一百弓。閒來樹底逐雞蟲。掃除蝗菜下嚶栗。亟命畦丁修水筒。

葡萄煎濃注酒瓶。酒闌荷葉香滿汀。新涼枕簟不妨設。時有北風吹我亭。槿花本與佛桑同。也向籬邊吐白紅。試待來年根盡活。編成著色短屏風。雨裏芭蕉風外揚。水中菡萏岸篋篋。衰翁愛植易生物。不願七年栽豫章。縮版誅茅事偶然。修門見說此亭偏。須知庾信園雖小。詩賦江關獨易傳。平泉花木遠爭移。金谷繁華盛詠詩。淪落棲遲杜陵叟。何人尙寄草堂資。又暴書亭得孫學士致弼都下札詩。杖藜還藉短童扶。暇覓筠牀雀糞汚。典籍暴餘翻散亂。田園歸後轉荒蕪。病蔬幾見連筒灌。薄酒生憎入市沽。差喜故人遙記憶。八行書肯報潛夫。

又暴書亭雜詩。戴君好事真難得。許我太湖石一林。自晒愚公無氣力。六張五角費沈吟。

查慎行春分夜夢與朱竹垞池上種蓮詩。夜到暴書亭。夢尋種蓮主。似與告歸期。花時天小暑。又病後過竹垞先生齋詩。偶因風雨宿君家。倦枕無眠到曉鴉。起向暴書亭上坐。一池荷葉兩三花。

龔翔麟送錢爾載歸禾中訊朱檢討詩。暴書亭外花千本。醞舫西頭竹萬竿。別後春衫凡五換。憑君一語問平安。

又朱文盜貽書見訊。因覃九歸作詩報之。老友纔相見。匆匆又送行。因風寄君語。惜別動鄉情。舊雨秧田夢。浮雲柱史名。暴書亭子外。何日一舟橫。吳源達朱太史竹垞先生暴書亭新成集杜二首詩。新亭結構罷。到日自題詩。耕鑿安時論。茶瓜畱客遲。車枝低結子。小水曲通池。門徑從榛草。幽偏得自怡。田園須暫住。曝背竹書光。隔沼連香茝。看題減藥囊。清談見滋味。才格出尋常。野興每難盡。團團月映牆。

張遠題竹垞太史暴書亭詩。一亭孤迥午陰環。萬軸縱橫翠靄間。寧必窮年長硯。且看十畝白閒閒。晴窗愛暴邊韶腹。隱几平臨顧況山。自注亭對顧况

讀書 見說經文饒羽翼。自注時集九經 豈徒詞賦動江關。

繆綏武梅花溪踏春詞。池上雙槐柯葉疎。沙隄黃閣此分居。未妨七夕閒

行去。看曝亭中萬卷書。自注竹垞先生為文恪公會孫移居於吾里荷花池池北雙槐南暴書亭

郭徵曝書亭詩。名山事業老逾貪。散帙晴簾埽白蟬。故實他年尋好事。暴

書亭在藕花南。

朱稻孫雨中斬司馬雁堂先生過暴書亭。索觀先大父遺集。即席聯句送

行詩。明州有司馬。沈翼寅中 性淡厭肥膩。汲古務窮源。孫稻 探奇必竟委。拊循政

有年。鄭適序周 夙夜心罔憊。一朝讀禮歸。翼 甘棠思所憩。至今浙東人。孫稻 望公

如望歲。入春復南旋。適 巷口停車蓋。頻增逝者歎。翼 幾灑故人淚。遺編手

重持。孫稻 陳迹感三載。剪燭話西牕。適 晤對若夢寐。夏雨正滂沱。翼 濕雲彌

黶黶。蠶眠箔初稠。孫稻 麥秀隴未刈。籬筍剛玉版。適 香蕪湘錦帶。吾黨舊論

交翼於公爲後輩。相期拚深宵。孫列坐同一醉。母嫌禮脫略。邁莫問戶小。
大程限榜人權。翼扳留苦無計。作詩聊送行。孫牽漚失流派。引領使君來。
邁 仁風起凋瘵。翼

王鴻宇梅里詞亭子荒涼俯淺沙。幾枝疎竹尙橫斜。經過太史談經處。開
遍門前紅藕花。

舒瞻梅里訪暴書亭詩。梅里荒亭在。傳聞舊暴書。先生不可作。風雅定誰
如。檻外秋雲冷。霜前木葉疎。一編容借否。載酒獨躊躇。

薛廷文梅里雜興詩。菱荷香裏酒微酣。小扇輕衫對碧潭。不敢花前題好
句。暴書亭在小池南。

閨秀吳異讀暴書亭詩。大雅知誰並。家如未宦貧。遺編今始讀。對字昔爲
鄰。池上竹陰舊。垞南蓮葉新。空餘亭子在。不見暴書人。

先生暴書亭著錄序。先太傅賜書。乙酉兵後罕有存者。予年十七。從婦翁避
地六遷而安度先生九遷乃定居梅會里。家具率一艘。硯北蕭然。無書可讀。

及游嶺表歸。閱豫章書肆。買得五箱。藏之滿一櫝。既而客永嘉時。方起明書之獄。凡涉明季事者。爭相焚棄。比還。問曩所儲書。則并櫝忘之矣。其後留江都者一年。始稍稍收集。遇故人項氏子。稱萬卷樓殘帙。畀以二十金購之。時曹侍郎潔躬。徐尙書原一。皆就予傳鈔。予所好愈篤。凡束修之入。悉以買書。及通籍。借鈔於史館者有之。借鈔於宛平孫氏。無錫秦氏。崑山徐氏。晉江黃氏。錢唐龔氏者有之。主鄉試而南還里門。合計先後所得。約三萬卷。先人之手澤。或有存焉者。歸田之後。續收四萬餘卷。又上海李君。贈二千五百卷。於是擁書八萬卷。足以豪矣。顧其間有借失者。有竊去者。有殘闕者。昔之所有。俄而忘之。其存者。皆予觀其大略者也。予子昆田。亦能讀之。杼柚之屢空。庖爨之不給。而哦誦之聲。恒徹於戶外。蠹字之魚。銜薑之鼠。漫畫之鳥。不足喻其癖也。蓋將以娛吾老焉。嗚呼。今吾子夭死矣。讀吾書者。誰與。夫物不能以久聚。聚者必散。物之理也。吾之書。不知終歸何人之手。或什襲珍之。或土苴視之。書之幸不幸。則吾不得而前知矣。池南有亭曰暴書。既暴而藏諸。因著

於錄。錄凡八卷。分八門焉。曰經、曰藝、曰史、曰志、曰子、曰集、曰類、曰說。康熙三十八年。涂月竹垞老人序。

按先生池北書庫記云。曩尊經亂。先世之遺書。莫有存者。及壯。餬口四方。經過都市。殘編斷帙。至典衣予直。積之二十年矣。以驗藏書家目錄。則僅有其十之二三焉。然未嘗無出於藏書家目錄之外者。

先生莆田陳氏九朝編年備要跋。九朝編年備要三十卷。太學生莆田陳均平甫撰。均丞相俊卿之從孫也。康熙乙丑。觀耿都尉正公插架書。發函讀之。不忍釋手。都尉遂以贈予。報以仇實父畫山水。越二十一年丙戌夏。暴書亭前。追憶舊事。識之末簡。

又唐郎官石柱題名跋。康熙戊子歲。予始購得郎官題名三紙。字已漫漶。眼昏莫辨。會桐城方生來自京師。訪余梅會里。坐暴書亭。鎮以界尺。審視之。姓名可識察者。三千一百餘人。

查慎行暴書亭集序。平生纂著。曾兩付開雕。未仕以前。曰竹垞詩類文類。

序之者多一時名公巨卿高材績學之彥。通籍後曰騰笑集。先生自爲序。并屬余附綴數言者也。晚歸梅會里。乃合前後所作手刪定總八十卷。更名暴書亭集。

先生著書硯銘。北垞南垞北垞。中有暴書亭。空明無四壁。八萬卷。手所儲。鼠銜薑。獺祭魚。壯而不學老著書。一泓端州石。晨夕心相於。審厥象。授孫子。千秋名身後事。

竹垞小志卷二

學使者阮元手訂

桐鄉汪嘉穀編錄

先生初定竹垞十二景。復定市南二十景。又定城南二十景。則并鶴洲諸景俱收之矣。市南首綴以梅花溪者。見竹垞之在梅會里南也。今列於二卷。庶後之覽者。得攷其次弟云。

梅花溪 距嘉興城南三十餘里。里曰梅會。市曰王店。長水環其外。硤石橫山。父史諸阜峙其南。有水東注。瀦洄三里曰梅溪。

嘉興府志。梅溪在治南四十里。溪旁村落多樹梅故名。

先生鴛鴦湖權歌。溪上梅花舍後開。市南新酒釀新醅。尋山近有父基宅。看雪遙登顧况臺。自注余近移家長水之梅溪。父山在其西。橫山在其南。皆可望。見顧况讀書臺在橫山頂。

楊雍建欲往梅溪不果詩。梅溪還憶昔游時。滿壁松風落酒卮。三徑雲生苔石冷。四花香送夕陽遲。幾回夢繞禪宮月。無奈空吟逆旅詩。何日扁舟尋故侶。重登小閣望東籬。

繆泳村居雜咏詩。長水南塘路向西。西溪東畔是梅溪。乘舟慣出梅溪市。曲岸藤花咫尺迷。

朱絳市南雜咏梅花溪詩。屋後寒梅發籬前。春水冷香縈客夢。夜雨憶溪聲。

朱昆田訂探牡丹花之約詩。梅花溪上徑三三。歸夢濃于酒半酣。見說接花開亦好。與君分種種江南。

繡鴨灘。灘名見前。梅溪之水自西而東。陂塘曼衍。凡有挈舟過訪竹垞者。東必泊於繡鴨灘。西必泊於抽帆步。釣船坊諸處。先生詩有云。羅雀門閒地。百弓抽帆且。橫鴨闌東。又云。烏篷夜柱。釣船坊。皆紀實也。故以次列於梅花溪之後。

抽帆步。卽落帆步也。見前。

朱絳市南雜咏抽帆步詩。落日送歸艇。孤村生晚煙。但看篷脚轉。已到小門前。

釣船坊 梅里志云在荷花池上。

先生積雨詩。烏篷夜挂釣船坊。曉起水添三尺強。欲覓園花查上舍。自注但

愁橫漲板橋坊。

菱池 一名竹港。梅里志云。在暴書亭東南。先生池上編籬詩有云。槐汧菱池

水一窪。積雨詩云。菱池新水芋陂連。菱池之名互見。乃十二景中有槐汧

芋陂而無菱池。可知此二十景。乃先生後來更定也。

先生積雨詩。沒盡荷花紫草田。菱池新水芋陂連。畏寒不獨衰翁甚。年少冬

衣未拆繇。

朱絳市南雜咏菱池詩。小招魚爭躍。長林鳥自呼。溟濛烟雨裏。秋色滿菰

蒲。

楊謙梅溪百詠詩。月波吹送夜涼停。槐汧菱池一望青。三體手編撫韻暇。

爲人小楷寫黃庭。自注朱西陵有月波次笛
圖著三體撫韻善小楷

芋陂 見前。陂之東有方池。向名蓼灘。

朱昆田自題月波吹笛圖詩。夜色模糊水面寬。涼烟漠漠月團圓。一枝漁
笛一枝櫓。半入蘆灘半蓼灘。

青槐洗 卽槐泔也。

潛采堂 在南垞之北荷花池上。爲先生藏書之所。康熙四十四年。

聖祖特賜研經博物四字扁額。堂之後爲敬悅齋。先生燕飲兄弟賓客於此。汪
檢討舟次書。其東爲娛老軒。謝師昌書。軒與春酒庫相接。又東爲杏花春
雨山房。其西有醉茗齋。與靜志居相竝。外有桂之樹。軒又西則爲醞舫。弟
子著錄者於此。今俱蕪廢。惟敬悅齋尙存。

李宣秋社日集潛采堂看桂分韻詩。初花香未滿。曉露滴無聲。對此庭前
桂。相憐視北生。物情閒始見。詩句病逾清。知己良辰共。秋風續舊盟。

朱琪芋陂歸自刊江。招同人集潛采堂詩。吟社幾游集。朋知亦可憐。故人
十載別。舊夢草堂懸。尊酒同今夕。圖書憶往年。羊曇辭後路。每過一潸然。
又集潛采堂和柘南作。雅集頻年少。招尋興未闌。人看少長別。事話去留

難病覺樽前減。春憐雨後寒。且拚今夜醉。一盡主人歡。

查慎行六峯閣詩藁序。秀水朱子稼翁。爲竹垞檢討之孫。西陵文學之子。少時稟承庭誥。研味篇章。凡祖父之客來登潛采堂者。類皆當代名流。稼翁周旋函丈。言論風規。漸染有素。故其爲詩。磊砢多英。寓懷蘊藉。信能繼其家聲者矣。

敬悅齋

見附

按先生集中有醞舫敬悅齋兩箴。列於潛采堂之後。而以箴附焉。

先生敬悅齋箴。同岑之木。柯葉相樛。同林之鳥。鳴戛相求。矧伊兄弟。同居寢食。當念爾祖。敬悅是式。人有毀譽。誣善則那。式敬吾長。其樂如何。有忿必懲。有欲思窒。務去驕矜。毋易嘲叱。一言快意。四坐傷心。睚眦之怨。禍乃相尋。動容斯和。出辭勿悖。敬以入懷。悅以結愛。昔在尼父。行在孝經。敬兄弟。悅我言。汝聆。

桂之樹軒 軒在潛采堂西偏。軒前叢桂一林。先生布以窠石。可以坐客。深秋後天香馥郁。賞桂吟詩。無虛日也。

先生九日籬菊未放。桂有餘花。里中諸子過。出金華酒小飲。分韻得小字詩。叢桂落餘花。雙瓶出清醪。我客不速來。毋論戶大小。冷笑登高人。牽拂風林杪。

朱稻孫九日大父招集里中諸君。飲桂樹下。分賦得之字詩。里無一簣山。登高安所之。良辰宜勝引。少長况在茲。酒邊黃金粟。屢舞風颺颺。

朱絳市南雜咏桂之樹軒詩。老樹發古香。涼蟾照素節。一夜秋風來。枝頭綴黃雪。

梧葉程 先生坐臥著書。置繩牀於醜舫牕下。屆秋梧桐葉脫。堆積几上。遂以名之。

先生醜舫卽事詩。秋老梧桐葉葉黃。夜來風雨太顛狂。分明了鳥牕深閉。一片何緣墮筆牀。

醜舫 析舫之西半楹爲梧葉程。其南爲蝴蝶局。又西偏則北垞在焉。

竹垞 南北兩垞。詳見前卷。

春酒庫 在潛采堂東。娛老軒之後。問字者載麴而至。則貯之於此。蓋醞舫之酒。以酌賓客。春酒庫之酒。先生所謂將以娛吾老焉者是也。

先生題洪生對酒圖詩。酒庫經坊六度開。近無月奉市官酷。荆高舊侶多零落。賴爾南鄰日往來。

逢着騷人笑獨醒。玉山堅坐眼長青。吾衰也擬糟丘老。他日相邀注酒經。

楊謙梅溪百咏詩。漁溪好景咏溪南。酒庫書樓我未諳。四月棗香香細細。

三冬聽雪雪耗麴。自注竹垞先生市南雜咏二十景中有春酒庫擁書樓菜香書屋煮茶聽雪之亭

先生名孫說。詩言穡事多先稷黍。然頌豐年者必及稌。又釀者則以稻酒爲上。吳田之宜。莫良乎稻。取以名次孫也。可。幽詩云。十月穫稻。爲此春酒。吾將以娛吾老焉。

娛老軒

附見

先生晚年著書。恒在娛老軒。纂書亭著錄序所云。蓋將以娛吾老

焉。軒近春酒庫。故名孫說云。十月穫稻。爲此春酒。吾將以娛吾老焉。先生之娛老止此。其名雖見於他處。而在二十景之外。今爲補綴於春酒庫之

後。則潛采堂東偏之景盡備云。

擁書樓

先生池上編籬偶成詩。有擁書萬卷不言貧之句。未聞建有樓也。聞

先生晚年欲構一樓於南湖放鶴洲之側。亦不果。

蝴蝶局

在醞舫之南。梧桐樹下。先生以徐檢討所贈羅浮蝴蝶放之。至今梅

里半邇。俱有羅浮遺種云。

先生羅浮蝴蝶歌。爾雅釋蟲名。蝴蝶置不錄。之蟲豈無知。小大各有族。小者
捷末產江東。大者乃在朱明曜。真之天巖洞中。當其物化初。天與形不同。蠻
雲華首紫。海日搏桑紅。游禽五色詎敢啄。滿身香霧花濛濛。仙之人兮拍手
笑。愛爾翩翩特娟妙。或云葛仙衣。或云麻姑裙。二者傳說徒紛紛。入秋倦飛
絲乍罽。葉底風搖滿山繭。垂虹亭長手柱卽栗條。去年踰嶺尋鐵橋。歸來雪
灘纒卸馱。分我蝶繭剛一箇。留之十旬鳳子生。曲腰短足相擔撐。豎雙眉。張
兩翅。輕於吳絹薄於紙。對神光之陸離。駭賦質之倜詭。我思此蝶放之四百
三十二峯前。餐英嚼蕊恣歡妍。何難大似車輪然。我今縱之出簾柙。可惜不

譜飼花法。雲母扇。丹霞衣。嗟爾萬里安得歸。文章枉使負奇色。不及灰黃粉墨野蛾高下東西飛。

又近體四首。攜來柏葉綴莎蟲。自注蝶繭多。懸烏柏葉底。物候初溫五月風。自注蝶以五月朔破繭出。

么鳳忽然看倒挂。仙蠶深恨不同功。粉香弄玉勻塗後。裙色麻姑想像中。離

合神光終莫定。畫圖誰信小滕工。自注峽蝶圖滕王。嬰子湛然所畫。

藤笈初開且試飛。槳牙墻角見應稀。輕狂忍把霜紈撲。愛惜須加繡幕圍。萬

里風花香入夢。六朝金粉畫成衣。吳娘正要湘裙樣。分付流黃第一機。自注宋樂

府有九張機。自一至九。籬邊野外舞春駒。認得羅浮種獨殊。衆裏自應呼鳳子。生

來只解抱花鬚。鉛華水淨分初日。金縷衣輕颺五銖。比似吳人看西子。未貪

市上一錢輸。自注孟子疏西施至吳。市觀者各輸錢一文。猶記歸裝嶺外齋。炎天二月展

金泥。衰年再見真難得。異物初生也不齊。偶落人間休悵望。但留花底莫東

西。寄聲爲報垂虹長。好配新蛾與竝棲。自注虹亭。尚存三繭。

又書羅浮蝴蝶歌卷後。爾雅不釋蝶名。六朝文士不作蝶賦。蝶亦不幸矣。其

後滕王湛然下及菜花子村裏來皆為調鉛殺粉。臨川謝無逸咏蝶。多至三百首。蝶又未嘗無知己也。崇正間。長山王君岬生知如臯縣事。酷愛蝶。縣民有犯者。籠蝶輸君。輒免。暇登廨舍高處放之。惜其未見羅浮鳳子。使知增城博羅二縣。致羅浮蝶繭千百。縱之萬花谷中。不更愉快乎。里中戴君。索予父子書羅浮蝶歌。漫綴於後。

朱稻孫中村詩草序。歲在著雍攝提格冬。吳江徐先生虹亭歸自南粵。扁舟訪先大父於小長蘆。持贈羅浮蝴蝶繭一。懸之帳中。明年夏四月。破蛹出蝶。神光陸離。五彩錯雜。籠以白藤笈。飼以黃葵花經旬。放之栩栩庭院間。先大父暨先君子賦長歌紀異。因屬中村先生繪圖并詩以傳。一時稱為佳話。

按康熙癸酉。先生自廣州歸。梁檢討吉士以羅浮蝴蝶繭二枚贈行。未及攜歸。一蝶先出篷底。則未嘗入蝴蝶局可知。是以聯句三十韻。不為采錄。至於同時和詩。泛咏羅浮蝴蝶者。概不收入。

六峯閣 已見前十二景矣。先生次孫稼翁刊其詩藁四卷。亦以六峯閣名之。
棗香書屋 此未見題咏。先生在都下時。與孫愷似致彌周。青士貧有棗花聯
句云。棗花香細細。亂結春風闌。既免纖手摘。寧邀上客看。燕郊得千樹。吾
將老園官。或築於歸田之後。未可知也。

煮茶聽雪之亭 亭在南垞

先生益梅聯句。調寄一翦梅詞。定武盜燒幾稜紅。細斛香泥。淺植春叢。
寒載入小車中。三尺苔枝。一翦霜風。舞盡坼稜毛裂紙筒。影漸橫斜。態轉

玲瓏。坤花邊鄉夢兩人同。放鶴洲南。聽雪亭東。舞

靜志居 在潛采堂東桂之樹軒後。馮衍顯志賦云。處清靜以養志兮。實吾心
之所樂。齋名本此。暴書亭集有靜志居琴趣。明詩綜有靜志居詩話。

黃雀曠 曠在長水之南。先生於此二十景。首綴以梅花溪。而附黃雀曠於後。
則兩垞居其中。歷歷如繪云。

先生鴛鴦湖權歌。秋水尋常沒釣磯。秋林隨意敞柴扉。八月田中黃雀啣。九

月田中黃雀肥。

又黃雀調寄江城子詞。江鄉風物客中論。傍籬根。啓柴門。翦翦西風。紅稻倚斜曛。長記張羅秋九月。南馬疇。北陶村。充庖俊味。伐思存。坐黃昏。引清樽。持比香橙。蒸栗色。難分。凝想流匙。眞个滑。全不數鴨。餛飩。

按小丹丘客談云。吾鄉稻熟時。張羅以捕黃雀。北則陶家莊。南則馬家疇。所產獨絕。

又按馬疇產蟹亦佳。西陵答蘅圃詩云。馬榼紫蟹壯可釣。陶莊黃雀肥堪捕。上鄉水田足收割。準擬開筵落場圃。仙郎吟展何時歸。好傍梅花溪上駐。讀此數句。覺市南風景。如在目前已。

竹垞小志卷三

學使者阮元手訂

慈谿鄭勳編錄

是卷係先生所定城南二十景也。先生少日曾讀書於子葵太守別墅。故大半皆鶴洲之景。其在南北兩垞者。如菊塍在荷池南畔。橙子岡在甌舫西偏。今尙可考。其間有僅存其名未可據實者。亦並附載。蓋悉仍先生之舊云。

鴛鴦湖 在長水塘之北。卽南湖也。湖之南有放鶴洲。

方輿紀要。南湖一名鴛鴦湖。長水塘諸水所匯也。

嘉興府志。長水塘水自海寧諸山貫硤石東北流五十里入嘉興縣境。合於鴛鴦湖。

先生鴛鴦湖權歌。百尺紅樓四面牕。石梁一道鎖晴江。自從湖有鴛鴦目。水鳥飛來定是雙。

查慎行題小長蘆圖詩。君住鴛鴦湖。儂住鸕鷀浦。同爲蓑笠人。貫聽菰蒲

雨。一作願隨菱笠翁共聽菰蒲雨

王士正朱錫鬯。自代州至京奉東詩。短後曾將代馬騎。談兵絕塞偃牙旗。錦囊舊事悲唐壘。碧玉春流寫晉祠。燕市雪深衣褐敝。吳江楓落酒船遲。鴛湖若買三間屋。得便從君下釣絲。自注朱有晉祠記最工

朱昆田題客子吳船醉吟圖詩。鸚鵡洲前漲綠波。鴛鴦湖畔月明多。夜船吹罷玲瓏邃。更欲尋君學權歌。

按暴書亭集。有鴛鴦湖權歌一百首。自序云。甲寅歲暮。旅食潞河。言歸未遂。爰憶土風。成絕句百首。語無詮次。以其多言舟楫之事。題曰鴛鴦湖權歌。聊比竹枝浪淘沙之調。冀同里諸君子見而和之云爾。

娛老橋

先生鴛鴦湖權歌。河頭時有浣衣人。處處春流漾白蘋。橋下輕舟來往疾。南經娛老北躡賓。自注娛老橋在城南

放鶴洲。靜志居詩話。城南放鶴洲。相傳爲唐相裴休別業。名曰裴島。或曰南

渡初。禮部郎中朱敦儒營之以爲墅。洲名其所題。世父子葵。拓地百畝。自湖之田。有堂有亭有橋有船有岡有榭有庖有福。雜樹花果。瓜疇芋區。菜圃。靡所不具。陳少詹懿典爲作記。董尙書其昌爲書扁。李少卿日華爲寫圖。後先觴詠者。題壁淋漓。今則大樹飄零。高臺蕪沒。止存臥柳斷橋而已。先生春晚。過放鶴洲詩。問訊裴公島。春來幾度遊。古牆修竹上。潭水落花浮。烟雨無人境。山泉放鶴洲。鷗夷今不見。往事問漁舟。

又放鶴洲探梅詩。徑轉叢篁曲。谿迴石磴斜。爲園傳故相。勝事復吾家。晚日吹山雨。陰雲覆浦沙。春風三百樹。猶有未開花。

又徐檢討鈇紙扇讀修上人詩。愛其清逸。上人時訪余放鶴洲。余留吳不值。却寄以詩。少年上人足佳句。清似玉壺一段冰。絕倒垂虹舊亭長。來尋放鶴老詩朋。迂辛短李許誰和。癩可瘦權知不能。何日扁舟攜白簾。聯吟竹屋夜聽燈。

又題唐岳藤花詩。披圖轉憶少年遊。亂水東西放鶴洲。萬樹濃陰花縷結。惺

古午說部叢書
松香雨滿船頭。

又題江村垂釣圖詩。放鶴洲邊別業孤。穿池處處足魚租。君來肯入南垞住。分我漁童別作圖。

是詩從高詹事清吟堂附錄抄得。讀此見先生於放鶴洲南垞。直合爲一也。

又釋圓信早秋。朱子葵太守鶴洲草堂。對雨分韻。得飛字詩。方花礎潤。晚涼歸。隔蒲蓮舟望漸稀。林下自聞秋葉雨。燈前亦有草蟲飛。巡檐半濕黃藤杖。倚檻重涼白苧衣。明發雪溪新水下。前村應沒舊苔磯。

先生早秋放鶴洲池上作。調寄霜天曉角詞。青桐垂乳。容易擬珠露。一縷金風飄落。添幾點豆花雨。簾戶翦燈語。草蟲飛不去。坐愛水亭香氣。是藕葉最多處。

柳圩 在鶴洲。

彭孫貽放鶴洲詩。籬落遮樵逕。林扉纏古藤。入門惟見竹。埽葉忽逢僧。茶

氣生殘竈。波光動采菱。漁家堤柳外。落日掛魚膾。

先生折桂令詞。近南湖結个書樓。橋影前溪。塔火中流。梅蕊衝寒。荷香銷夏。楓葉鳴秋。松樹底一壺春酒。柳陰中幾隻漁舟。歸去來休。典我春衣。白日郊遊。

此先生葉兒樂府也。並未署題。今按所咏之景。俱在城南。其云橋影前溪。即娛老橋也。塔影中流。即塔火灣也。柳陰中幾隻漁舟。柳陰即柳圩。漁舟即鶴渡也。起句云近南湖結个書樓。未知即擁書樓否。書以俟考。

鶴渡

鶴洲舟名。

朱茂時鶴洲夜歸詩。秋月清於水。孤舟放鶴歸。不知荷葉露。風卷上人衣。趙宦光題鶴洲圖詩。別墅背山谷。門臨綠水開。夜深村犬吠。小艇賣樵回。張若義丙午夏日題鶴洲草堂詩。坐此堪累日。何處更深山。隔澗人相問。輕舟鶴與還。風翻花自穩。魚戲水常閒。安得忘機坐。相攜共閉關。

蘭風徑

在鶴洲草堂。

朱稻孫過龔先生田居賦呈詩。百里雲亭路。經年引夢思。春風蘭草徑。秋雨豆花籬。游子傷飄泊。先生念別離。相逢誠不易。敢述苦辛詞。

塔火灣。灣近真如寺。照見寺中塔火故名。

先生鴛鴦湖權歌。蟹舍魚村兩岸平。菱花十里權歌聲。儂家放鶴洲前水。夜半真如塔火明。自注宋希真避地嘉禾放鶴洲其園亭遺址也余伯貴陽守治別業於上真如塔峙其西

朱克生同計甫草泛東溪。訪朱子蓉不遇詩。迴廊高閣幾追攀。鼓枻仍尋舊路還。翠竹兩崖人不見。塔鈴聲在水雲灣。

小長蘆。卽古構李也。按年譜。先生晚年自號小長蘆釣魚師。康熙己巳。屬江都禹之鼎寫小長蘆釣魚師圖。如泉許實夫爲鐫小長蘆釣魚師小印。先生鴛鴦湖權歌。稗花楓葉宋坡湖。路轉潮鳴山翠無。百里鹽田相望白。至今人說小長蘆。自注構李舊號小長蘆見周必大吳郡諸山錄

又題倪高士畫詩。房山潑墨太模糊。那似倪迂意匠殊。一片湖光幾株樹。分

明秋色小長蘆。

王士正題小長蘆圖詩。史筆高三館。歸心戀五湖。分明鰕菜好。寫出小長蘆。

高不騫題詩。槐樹斜街宅。經營此畫圖。由來名父子。只戀小長蘆。喬崇烈題詩。誰畫小長蘆。蘆花墊長水。先生愛蓑笠。坐曬斜陽裏。

沈不負題詩。芹芽荻筍菜花魚。鄉味堆盤興不虛。數說山中人樂事。小長蘆外亦無餘。

朱昆田碧川見贈走筆奉答詩。小長蘆畔是吾家。怕見黃沙見白沙。但使荒田租一稜。不須古路問三叉。數竿趁雨移新竹。幾樹連墩種好花。欲買湖莊號漁計。知君心已厭紛華。

先生水木明瑟園賦云。諸君卜築。近在郊郭。吾獨寥寥。棲小長蘆。瓦缶集序云。同里李上舍秦川。出其吟藁。問序於小長蘆釣魚師。答陸修撰問云。長洲陸子問禮於小長蘆叟。南屏題名云。小長蘆叟。檣舟雷峯之

下。先生晚年愛稱小長蘆。金風亭長。屢見之於書畫跋尾云。

紅魚港

在鶴洲之西。地產金鯽魚。取皮製美丹砂泉淺種紅魚之句。以名之。

查慎行題小長蘆詩。種魚三畝五畝。陂水前溪後溪。認得鄰莊老樹。草堂在鶴巢西。

豆花籬

梅庚豆花籬銷夏圖。戊寅夏日。應竹垞夫子命畫并題詩。別開高閣面清湍。銷夏披風綠柳灣。對坐豆棚歌白雪。不知天壤有塵寰。

朱稻孫納涼詩。亂竹清陰上番成。坐看雲散免華生。無端促織鳴籬落。兒女呼燈過豆棚。

朱振祖納涼分咏風燈詩。水檻招涼坐。呼童換短檠。楸坪敲處穩。竹屋映來清。蛩語催何急。蛾飛撲更輕。夜深風露濕。攜過豆花棚。自注豆花棚

底納涼時先大父笛漁小菴中句

野史亭 先生曾預修明史。而鶴洲有此亭。因存其舊名。其實未嘗建亭也。

菱葉漢 一名菱漢。與塔火灣相近。笛漁小竈喜南渚。再過草堂詩。有把槩細
擘菱葉路。持杯同醉海棠巢。句。或云。長水之旁。亦有菱漢。

喬崇烈題小長蘆圖詩。遊子新從閩嶠還。一竿隨侍水雲間。我來三日畫
中住。楓葉半村菱一灣。

杏花春雨山房 在潛采堂東。取虞學士報道先生歸也。杏花春雨江南詞意。

沈岸登題竹垞卷子。次百字令原韻。主人歸也。儘客來看竹。短篷長泊。雪
色書齋。堪吐壁。老去閒情。慵託塞柳騎驢。江蘆聽雁。轉覺垞中樂。青錢憑
買。移些村叟。鄉落。竹外三兩枝頭。桃花也放。更好時吟酌。春雨江南容
易見。消領年年簾幙。二畝新秧。六峯晚翠。便是真邱壑。小樓添否。斜陽先
在籬角。

先生明堂月令序。漢高誘注。禮隋唐宋經籍藝文志。皆不著錄。近代藏書家
編目亦無有。唯藝文類聚曾引之。月令四卷。題曰明堂月令。康熙乙亥二月。
忽獲之。西吳書買舟中。乃舊鈔本。讀之。其字句與今本月令頗有不同。特其

書不知從何授受。衛正叔禮記集說引高閔之言曰。月令一書。馬融賈逵孔
晁皆以爲作於周公。鄭康成高誘孔穎達。乃謂秦時呂不韋所作。誘旣以月
令屬不韋作。宜暢其說於篇首。而是編無之。又何與。是月小寒食竹垞老人
書於杏花春雨山房。

南洞 在荷花池南。菱池芋坡之側。

北洞 在荷花池北。青槐泚之側。

先生題王山人輦畫山水送別詩。小長蘆是吾家宅。朝泊南洞暮北洞。畫裏
分明釣朋在。他時一舸望君來。

茶煙閣 先生有茶煙閣體物集詞二卷。

朱昆田題四時寫生折枝圖詩。小白長紅風露零。好呼花匠蒔閒庭。何時
一縷茶烟外。拗取鮮枝插膽瓶。

蟹舍 初讀先生權歌第一首起句。用蟹舍漁村四字。爲不過泛咏水鄉之景。
及見雜咏。始知蟹舍亦二十景之一也。按年譜。康熙壬午。先生年七十四。

歲作城南雜咏。有放鶴洲蟹舍塔火灣淺汶諸題。

先生題江村垂釣圖詩。禁垣分宅共趨晨。日向晴牕話釣輪。一曲湖田如可乞。漁燈蟹舍總爲鄰。

張遠題小長蘆圖詩。蓮炬花磚客。漁莊蟹舍心。卷舒無不可。一往自情深。宋犖題詩。斜陽裊裊釣絲風。蟹舍漁莊野岸通。此際披圖心一洗。解人却憶米南宮。自注米有寶軸時開心一洗句。

朱昆田索禹尙基畫月波吹笛圖詩。吳儂種水是生涯。朝對荷花暮芡花。蟹舍郎當漁屋小。垂楊影裏占鷗沙。

朱琪鴛鴦湖權歌。鴛鴦湖水接南湖。百頃平波鏡面鋪。蟹舍漁村都占取。詩人應號小長蘆。

木筆龕 卽辛夷花。紫色。二月方開。龕向在醞舫後。今已無存。

橙子岡 先生曾欲構茶烟閣於其上。今醞舫西魁阜尙存。

先生暴書亭偶然作。移橙種橘計蹉跎。一箇茅亭草蔓多。輪與城隅譚給事。

花時處處有行窩。

薛廷文梅里雜興詩。六峯高閣未躋攀。橙子岡邊落帽還。畢竟登高何處好。西風黃葉滿爰山。

菊勝在荷花池南。枳籬環之。

先生潘檢討未以方竹杖見贈賦謝詩。天台方竹杖。絕勝萬年藤。九節仙人斲。兼程納子能。免尋籃輿坐。且喜石橋登。準擬池南畔。晨朝相菊勝。

又買菊詩。小院迴廊足散愁。雨餘高館落梧楸。衰翁不戀閒釵釧。畱取秋容菊部頭。

又東籬詩為趙价人賦。門前霜菊正離披。有客閒來索我詩。不道冷官能好事。人間又見馬東籬。

竹垞小志卷三終

竹垞小志卷四

學使者阮元手訂

元和蔣徵蔚編錄

嘉慶元年。阮芸臺先生督學兩浙。按試至嘉興。觀曹秋厓竹垞圖。因和檢討百字令詞元韻。一時和者甚多。兼以暴書亭爲題課士。復謀修復暴書亭。二年秋。太守伊小尹先生修亭旣成。芸臺先生又按試至嘉興。士人作詩紀事落成者更多。因葺始末爲二卷。

先生索次岳靈竹垞圖調寄百字令詞。杜陵老矣。共丹青曹霸。白頭漂泊。花柳春殘都未見。底事燕南樓託。略約長堤。嘔啞柔櫓。只憶江鄉樂。吾廬何處。斜陽芳草邨落。况有蔗芋閒田。竹梧舊徑。客至堪杯酌。試畫三楹茅屋矮。隨意圖書簾幙。硤石東西。橫山近遠。密樹遮雲壑。明年歸去。小樓添向牆角。

按先生自記云。康熙甲寅春。客通澗。填百字令。索秋厓補圖二十一年矣。秋厓久逝。小樓牆角。至今未添。而予衰愈甚。展對此圖。不勝遲暮之慨。因付裝池。并書前闕。以要和者。歲在甲戌五月竹垞老人。

李良年和潞亭旅思。愛小園入畫。子山之宅。二十一番春事改。追話軟紅游歷。史局誰長。酒僊臣是。晚遂歸田策。白頭題句。這回真箇頭白。記否洗研蓮南。擘棧梅底。更譜琴梧隙。問舊驚心雲散後。剩我比鄰雙屐。就竹尋君。展圖看竹。疎翠霑衣幘。茗香銷夏。不須惆悵陳跡。

高士奇和苑西舊事。記同君閒話。故溪幽適。退食披圖華院底。指點竹南梧北。放鴨闌低。釣魚磯小。野趣渾非一。如今歸矣。正堪盤礴泉石。況我枳岸葭牆。稻畦蔬圃。所住連陂澤。但棹圈篷黃篾艇。來往春秋佳日。懶出柴門。病依藥竈。路似桃源隔。相邀題句。只愁難比裴廸。

徐軌和春明夢斷。小長蘆重整數閒茅屋。晴日疎窗煙縷散。淺露一叢寒玉。撲鹿沙鷗。惺忪岸柳。暗水當門綠。暴書亭子。共誰銷夏同暴。恰喜短棹頻過。深杯恣把。不遠江鄉曲。細按養洲漁笛譜。醉學蠻箋十幅。袞袞諸公。萬人海裏。只是相爭逐。輪君高臥。坵南坵北。皆竹。尤侗和竹坵何在。在長蘆邨曲。碧雲深處。中有幽人歌獨宿。常與此君同住。茅

舍三間。蓬舟一葉。五柳門前樹。著書滿架。小園庾信堪賦。猶記燕市追遊。瀛臺儼直。春夢今非故。回首長安天際遠。不覺青山日暮。留此丹青。剩予白髮。撫景聊容與。他年相訪。小樓重話煙雨。

顧澹和。蕭疎斑鬢。倩誰人畫箇竹垞詩老。嫩綠檀欒添舊翠。渲染一溪花草。稽古當年。賜閒今日。却羨歸田蚤。栖遲林下。風光到處長好。從此獨坐攤書。呼朋命酌。不問蓬萊島。回首清華丹禁地。無事更縈懷抱。鶴浦東來。鷺湖南去。粉本憑幽討。扁舟載酒。與君嘗共傾倒。

戴錡和。日趁磚影。被秋風吹動。抽簪歸老。紫陌銅街遊已倦。爭似梅花溪好。嫩竹千竿。方池半畝。綠遍王孫草。清陰如舊。軟紅磨去多少。分付徑剪蓬蒿。牆蔓薜荔。放與銀蟾照。況有圖書三萬軸。蝨字乾魚齊埽。雙調彈箏。幾回顧曲。酒榼宜頻倒。小梯橫閣。六峰點點林杪。

葉舒穎和。圍牆竹樹。似依然。畱剩平泉花石。人在天光雲影裏。占住高樓百尺。叉手吟成。等身書擁。嘯傲烟波夕。閒時載酒。江湖曾作浮客。回憶燭剪寒宵。

菜根題扁。邂逅文章伯。

自注乙卯冬晤先生于白田官舍

別後荔支恩與帶。又蚤歸來岸。

幘。曲水拖藍。遙山疊翠。渺渺神僊宅。可容舴艋。長蘆深處尋覓。

郭徵和。禁花看後。覺軟紅十丈。浣衣如墨。放棹江關。烟月渺。歸向梅花溪側。竹簟邀涼。茅檐趁暴。故事真堪憶。文章歐九。後身應是朱十。况此籩粉侵堤。萍香撲幔。舊屬芙蓉國。最好荷衣縫露葉。紫綬青緇收拾。小閣茶烟。長蘆蘓舫。儘有忘機客。酒盃纔放。草堂書散千帙。

葉舒璐和。朝衫卸了。十年來夢破。浮名芻狗。點點軟紅飛不到。那用山童縛帶。翠幅陰濃。碧波涼瀉。人在羲皇右。湘簾高捲。遠峰青送吟袖。堪歎綠野平泉。幾多池館。轉眼成烏有。贏得圖將粉本在。畱與人間爭購。似恁風流。長蘆片石。應比名山齋。吾廬無恙。此君要是佳友。

繆泳和。梅花邨市。愛南鄰佳處。剗經卜築。舊徑蓬蒿纔剪罷。添得短垣修竹。近渚菰蒲。傍門槐柳。交映清溪曲。暴書亭子。更饒荷芰芳馥。况有檻外諸山。望中煙靄。指點遙峯六。把酒高吟無一事。但貯牙籤萬軸。畫手爭傳。欄川名勝。展

玩開心目。今朝重別。居然身在巖谷。

沈岸登和。主人歸也。儘客來看竹。短篷長泊。雪色書齋堪吐壁。老去閒情慵託。塞柳騎驢。江蘆聽雁。轉覺垞中樂。青錢馮買。移些邨叟。鄉落。竹外三兩枝頭。桃花也放。更好時吟酌。春雨江南容易見。消領年來簾幙。二畝新秧。六峰晚翠。便是眞邱壑。小樓添否。斜陽先在籬角。

案原卷和者十人。並不次韻。芸臺先生從朱氏家藏投贈竹垞詩詞墨蹟卷中得沈南亭次韻一首。因次韻首唱。一時和者甚盛。繼錄於左。

阮元次韻。先生歸矣。記江南春雨。扁舟初泊。自種垞南千个竹。老讓嬾雲閒託。繭線牽魚。弓枝射鴨。足伴填詞樂。畫圖長在。肯教踪跡零落。今日水淺荷荒。巖低桂蠹。殘址難斟酌。何處牆邊樓影小。曾展秋窗風幙。儒老乾坤。書懸日月。莫漫悲亭壑。重摹橫卷。遠山還染三角。

案芸臺先生自記云。嘉慶元年秋試畢嘉興。得覩曹秋厓竹垞圖。屬周君采巖摹寫一幀。並錄竹垞老人詞跋。及同時諸和作。卽用百字令原韻題後。以

要。和。者。十。二。月。十。二。日。書。於。小。琅。環。仙。館。

王昶和南湖放櫂。正春殘兩岸。楊花漂泊。一卷生綃重畫取。彷彿前賢樓託。菲屋鬱。蓮漪澹沲。負此幽居樂。潞河羈旅。潮生還看潮落。料是投老歸來。書亭。醞。舫。昔。雨。同。絃。酌。記。向。竹。西。頻。話。舊。悽。絕。苔。荒。井。幘。者。碩。凋。零。雲。祢。衰。謝。重見開邱壑。丁丑戊寅間余與稼翁先生同寓邗溝又與伯承同年同伯承下世亦十餘年而芸臺他時過訪叢筠應滿籬角。學使將修復之是可喜也

案述庵夫子二年三月駕湖舟中題此。

錢楷和五湖三畝。歎斯人仙去。落荒蓬泊。一片研經心事在。研經室學使齋名剩向

畫圖尋託。流水門前。綠楊牆外。買斷垞中樂。竹猶無恙。幾番青復吹落。擬向

梅里停橈。小樓添處。整頓還商酌。學使有重修暴書亭意且覓丹青傳粉本。依樣圖書

簾幙。舊句重翻。新詞競唱。別又成邱壑。攜歸日下。填詞聲價爭角。

案。裴。山。農。部。尙。有。購。竹。垞。圖。次。元。韻。詞。一。首。附。錄。於。此。竹。垞。殘。徑。記。幽。尋。梅

會。門。前。曾。泊。賸。有。暴。書。亭。子。在。野。鳥。閒。鷗。樓。託。投。老。江。湖。著。書。歲。月。苦。憶。當

年樂畫圖詩卷。不知誰氏流落。何意百歲雲煙。儻來眼底。驚喜開春酌。星使涼秋殷訪舊。披借船窗油幕。前輩文章。翰林風月。天爲藏舟壑。簣蓄活翠。夕陽人影樓角。

朱文藻和柳邊竹外。後百年星使。畫船重泊。亭北垞南遺址在。韻事丹青堪託。

萬卷藏書雙周甲子。藝苑談資樂。舊圖作於康熙甲寅今此圖作於嘉慶丙辰相距百二十有三年矣烟雲

新染。免教名蹟流落。憶昔景仰宗風。手編年譜。系述勞斟酌。文藻曾編竹垞年譜一卷

繡水橫塘曾盪槳。何處春風柔幙。襟幟詩窮。鬢髻鬢改。歲序蛇奔壑。江鄉歸老

斂廬同此牆角。

張若采和。一帆烟水。記時洲鶴步。檝頭孤泊。吟盡權歌。鴛漲膩。脈脈素心微託。

影竹簾虛。觴荷沼淺。曾展歸田樂。瀛仙仙去。春風何處籬落。何幸烟墨千秋。

烏絲百字。早費閒斟酌。百廿三年鴻雪影。人在潞河蓮幙。曠舫雲稠。畫樓風小。

佳士圖煙壑。先生歸也。尋詩吟遍亭角。

又和長蘆秋老。有乘楂仙使。荒灣初泊。根觸研經心一片。多少古懷難託。看竹

敲筇披圖岸幘。更印林泉樂。攀消撫取。翠雲千片飛落。還憶歷下移碑。鄭鄉

表墓。到處羞清酌。試展畫圖仙館似。學使有小琅環仙館圖清影斜霏簾幙。亭廢重修。

書殘更暴。對畫成林壑。圍牆栽竹。遊人遙識亭角。

吳錫麒和二分竹外。記江湖載酒歸來曾泊。老盡篔簹人。不見往蹟畫圖重託。

蒨葉波長。藕絲鄉闊。讓與閒鷗樂。寥寥琴趣。翠聲天半吹落。誰復黃雀風中。

鬪雞缸滿。相對斜陽酌。秋水藉製橋口路。遮護幾層雲幙。危石能扶。虛亭更葺。

高致傳巖壑。明年筍候。一尖還迸紅角。

陸繼輅和篔簹千个。記曾經鸞鳳。小停飄泊。垞北垞南行處好。一片閒雲棲託。

石友聯吟。桐孫扶杖。老子婆娑樂。生綃重仿。展時空翠飛落。因念白石梅荒。

清真柳折。何許攜盃酌。鄉月輝光纔照處。依舊風簾雲幙。曠世憐才。新詞同調。

佳話傳邱壑。吟魂歸也。秋蟾遙上亭角。

蔣徵蔚和披圖如舊。想當年有客。燕南飄泊。風打荒楹磨萬瓦。苦憶蝸廬曾託。

門鳴灘深。澄塘荷老。喜說漁家樂。買田長水。千竿交護籬落。閒時把卷沈吟。

經殘史蠹。寂寞堪商酌。百尺樓空斜照滿。亂葉周遮晴幕。日下聞傳潞河人去。此是終邱壑。試摹粉本孤亭重峙山角。

案以上八人詞。皆書卷中。錢梅溪泳以分書題其卷首。餘未及書卷中者。編錄於後。將俟續書焉。

馮應榴和鄉賢渺矣。記臨江遺宅。小舟曾泊。潛采堂傾醞舫毀。舊燕新巢何託。星漢長懸。圖書都散。孰繼翁之樂。故家如此。那能無感搖落。剩有瘦竹千竿。生綃一卷。仿本相參酌。惆悵王孫芳草遠。琴劍飄依蓮幙。綠髻將殘。青雲難盼。但恐填溝壑。諸君高義。亟成休遇張角。

張興鏞和圖中彈指。記先生猶在潞河樓。泊燕子春來消息斷。有竹千竿誰託。垞北垞南。花開花謝。穩臥江邨樂。鄉心挑逗。呼朋聊醉桑落。誰料百廿年餘。風流未沫。公案重參酌。大雅扶輪今視昔。容我來投蓮幕。博物名齊。填詞筆妙。先後摹邱壑。暴書何處。斜陽還射亭角。

鄭勳和吾廬吾愛。憶江鄉如夢。潞河漂泊。垞北垞南尋舊徑。只有此君堪託。綠

映詩筒。香圍茶竈。想象歸來樂。畫師解事。更添幾許籬落。久矣金谷園亭平。

泉花木。寂寞誰斟酌。萬卷重披千个裏。又見清風入幙。時芸臺夫子一樣神

仙兩番結構。韻事傳巖壑。有人搦管三更靜聽霜角。夫手訂小

案芸臺先生題鄭書常孝廉舊藏竹垞檢討贈其高大父寒邨太守詩墨蹟。

并手書二老堂額。嘯祀竹垞寒邨兩先生。孝廉復次韻以謝。附錄於此。小長

蘆畔。問遺書無恙。未經停泊。七字風流傳二老。嚙昔交情遙託。淨碧雙鉤。硬

黃初搨。摩撫差堪樂。江湖輝映。故家休歎淪落。况是第一人來。徵文考獻。

遺跡頻商酌。分付草堂開綠野。彷彿當年經幕。翰苑追踪。先生康熙己未

辰入席常虎林握手。先生贈詩題警歎。畱巖壑。展圖他日焚香如對巾角。

屬前後輩擬繪二老。係武林重逢

余鵬年。和南垞何處。認烟堤如織。短橈曾泊。恰到門前流水住。古木寒鴉棲託。

略有篋管。無人作主。寄傲誰耽樂。柴關深鎖。一圍圖裏籬落。却歎四十頭顱。

才名付與。潦倒拚杯酌。粉本龍邱歸思引。猶自庾郎蓮幕。遣此奚能。抽身已是。

去日蛇趁壑。小樓空說。更誰添向牆角。

又和醉筇吟袂。算前番今又。圖中評泊。一徑秋尋人去後。可奈秋心難託。鬢砌苔新。池圍篠媚。漫赴禽魚樂。寒英看待。未教霜冷摧落。話到白髮逍遙。琴尊展席。經史供炊酌。捲地西風吹客散。葉打空亭。褰幙小隊行廚。風流悵望。尙戀閒林壑。棲鴉催暝。夕陽低度闌角。

案伯扶先生自記云。丁巳秋九月。陪遊暴書亭。又填仍用前調並韻。

何琪和潞河旅舍。憶江鄉別墅。舊時棲泊。手種琅玕無恙否。日報平安會託。玉陛垂魚。銅街走馬。爭似閒居樂。拂衣歸去。朋歡未必寥落。有客載筆風流。懷賢情抱。恨不同芳酌。敗砌頽垣秋草滿。空想書堂帷幙。指點圖間。低徊句裏。重爲摹林壑。伊人何處。尋詩仍在亭角。

江振鵬和瀛洲仙客。怕風流前輩。輞圖飄泊。搆得生綃剛十尺。復寫騷壇幽託。擲管編年。抽簪寄傲。極擬先生樂。垞南垞北。翠溪清篠墟落。從此攜李賡歌。重翻繪事。早又頻敲酌。海內宗工傳姓字。玉軸香生蓮幕。檢討遺踪。春司近譜。

豈在閒林壑。冰絃再鼓。月明清夜霜角。

曹鈞和一亭寒綠。小長蘆深處。釣師曾泊。天上寶書森萬卷。除却琅玕何託。洗

硯荷灘。牽漁柳嶼。底羨金門樂。丹青題罷。廿年霜鬢零落。還憶倦圃聯吟。筠

廊籜徑。經史相研酌。魏尙雲中畱守日。淥水芙蓉客幕。百歲風烟。三竿門巷。陳

跡悲林壑。敵廬猶是金陀坊冷城角。

錢械和。畫中人在。信斯人千古。底嫌瀛汜。萬軸牙籤三畝竹。卸却朝衫閒託。磨

劍平生。十年磨劍先生自題詞集句著書歲月歸也。江南樂夢回青瑣。聲聲漁笛吹落。

最憶香剎看山。邏邨剪燭。先生集中有同先五世祖野鶴先生遊爛柯山及集家商隱先生齋中諸作琴酒

催絃酌。文采百年呼欲出。畫裏披來風幕。大雅扶輪。小山承蓋。訪舊尋雲壑。新

詞唱去。調笙喚取菱角。

錢模和。江邨臥穩。正潞河歸去。扁舟停泊。一徑疎烟團野色。竹里桐門閒託。剪

燭敲詩。銜杯說劍。老愛田園樂。看抽新筍。烟梢風裏垂落。還記醞舫花紅。書

亭月白。畱客開春酌。眼底溪山真意好。嵐翠都浮窗幕。萬卷詩書。千秋事業。天

與閒邱壑。先生錦里。半升酒漉烏角。

李禮和白頭解組。儘消閒。舫小長蘆泊。十載東華成往跡。倦向軟紅塵。託墨灑羊羣。經談馬帳。老去貧而樂。文章千古。布衣終不淪落。當日垞北池南。掃花三徑。畱客團春酌。潘耒查容今已矣。夢想芸窗垂幙。竹以人傳。亭因書著。逸事歸林壑。畫圖繪後。吟魂應在樓角。

李穀和。抽簪歸去。笑瀛洲一夢。偶然棲泊。滿徑筠竿青不了。惟有此君堪託。七品頭銜。百弓花圃。坐擁圖書樂。茶烟幾縷。松風何處吹落。回憶尺幅生綃。高踪已邈。想像停樽酌。安得小長蘆畔。景伴我兩檐風幙。賴有知音。重來訪舊。潑墨新林壑。垞南垞北。峰峰爭繞亭角。

李日華和。朝衫卸了。向小長蘆畔。片帆再泊。一徑蕭疎烟霧裏。只合幽人棲托。南北垞分。東西竹繞。儘有歸田樂。遠峰點點。隔林空翠飛落。還想褰屐當年。朋箋刻燭。婪尾杯同酌。悵悵風流今已矣。閒却月牕花幙。矮屋三楹。遺書萬卷。名自尊岩壑。生綃重染。綠雲侵入簾角。

李超孫和竹平安否。笑鄉園夢到潞河畱泊。

時竹宅先生客潞河。龔僉料事幕屬曹秋崖寫竹垞圖。

得歸來成晚計。便好垞南幽託。雙展招尋。

先徵士秋錦公與竹垞先生稱石交。會調百字令題竹垞圖卷。

有剩我比鄰雙履句。

九經著錄。儘有名山樂。暴書人靜。亭前斜日初落。還記柳苑攜香。

槐街退沐。文史從參酌。大雅於今同調在。獨坐挈經垂幕。芸臺先生有挈經室。狂喜披圖。

重煩潑墨。瀟灑皴林壑。小樓添箇六峰青。鑠簷角。

李富孫和江湖落拓。向潞河亭畔。暫焉樓泊。遙憶吾廬無恙在。却好倦游歸託。

移種千竿。拓成一畝。多少行窩樂。東西南北。白頭終歎瓠落。誰料大布衣徵。

衆春圍集。信史同商酌。卸却朝衫尋舊逕。仍喜平安遮幙。蘭試同心。蓮開並蒂。

真是藏書壑。畫圖重展翠筠長護檐角。

又和翰林老去。謝滿鞞塵土。板橋西泊。寒玉幾叢成小住。萬卷名山堪託。獨究

遺經。芻羅舊史。那羨京華樂。亭書暴後。垂垂桐子飄落。最憶一水詩廬。兩家

吟屐。來往相炊酌。

先徵士秋錦公與竹垞先生交最契。

周沈俞徐拚醉慣。倚徧風簾雲幙。大雅

誰扶斯文猶在。述作歸邱壑。千秋佳話。六峯重繪樓角。

芸臺先生屬盛君重摹竹垞圖卷。竹垞先

生於垞西高阜儼
作六峯閣未果

李遇孫和。臣今老矣。願白雲深處。澹焉明泊。一片檀欒環曲徑。八萬圖書堪託。

看竹吟詩。尋垞欵友。共論爲農樂。爲農今日良是先徵士秋錦比鄰雙展。

剩我比鄰雙展徵士墨花時見紛落。當日情寄風懷。詞傳琴趣。聞說曾斟。

公題竹垞圖詞句酌解組談經疑義。晰五鳳翻飛。臆幙擬以張蒼。比之伏勝。餘子真谿壑。書成不

朽。光甚猶射氏角。

尤桐和金風亭長。脫朝衫歸去。灑然虛泊。一片江南蒼雪遠。天與詞人棲託。琴

譜三千。牙籤八萬。誰似林間樂。芟池愧泚。幾曾蠅點輕落。試憶醜舫燈紅。桐

階月白。錯履綿春酌。前輩風流吟讌地。依舊香生霞幙。堂宿盧鴻。川滌摩詰。此

是真邱壑。千秋騷雅。繫人三尺藤角。

丁子復和。畫圖春老。正垞南垞北。落花紛泊。酒伴詩朋來往便。跛脚匡床聊託。

繡鴨灘前。香茅屋畔。到處行窩樂。雨蕉風柳。濃陰遮斷籬落。况有萬卷遺經。

一編詩史。老去還斟酌。手把朱黃頻點勘。坐近蠻氈油幕。竹擁千竿。峰浮六點。

天與閒邱壑。伊人何在。茶烟青過亭角。

又和青鞵布韞。向瀛洲蓬島。翻然栖泊。投老惟存千个竹。便把著書身託。笑倚

桐孫。閒扶筇杖。儘有閒居樂。呼童暴蠶。風亭殘帙飄落。今日望重儒林。名高

文苑。題詠煩斟酌。橫卷摹來從位置。依舊圖書簾幙。芸臺學使袁山農曹皆

為趁輜軒言尋。臨舫佳話傳林壑。學使訪問竹垞遺事甚悉紅牙續和倚聲。誰似青角同時

和者得十餘闕

蔣起和羊城雁塞。溯先生遊歷。絮飄蓬泊。頻歲江鄉歸未得。身向畫圖樓託。異

日金閨。聯班玉筍。總憶田間樂。新詞題罷。雲嫩天半吹落。一自解組懸車。百

城坐擁。著述兼商酌。雨裏芭蕉風外柳。掩映垞中簾幙。大雅誰扶。代興人出。感

舊尋邱壑。丹青無恙。筠竿高拂樓角。

戴熾昌和梅谿舊史。賦遂初歸後。釣船長泊。何處香茅圍小築。有竹千竿欣託。

活火烹泉。風亭掃葉。儘受消閒樂。吳淞翦取墨痕。勻染籬落。為問滴露研硃。

經經緯史。千古誰商酌。十載春明成一夢。何似低垂書幕。無數瀛洲。同時仙侶。

那得衡巖壑。畫圖重染。高風如對巾角。

王啓曾和。釣魚師去。認小長蘆畔。釣船曾泊。三徑重開。僉繆在。只是江鄉堪託。茅屋無多。藥闌不改。足了平生樂。黃埃瘦馬。燕南空嘆寥落。試問解組歸來。灌園自給。有酒還當酌。垞北垞南。春又晚。片片飛花穿幙。賣賦生涯。著書結習。分付閒邱壑。影來竹外。遠山晴繞籬角。

錢昌齡和一灣新漲。認書亭遺址。短篷曾泊。烟水蒼茫。人不見。欲寫素心何託。篁影侵簾。籤聲滿室。遙憶當年樂。丹青不老。錦囊誰惜零落。藉有黃閣神仙。手提玉尺。今古能斟酌。椽燭修書還讀畫。美矣風流臺幕。短卷重摹。清詞繼唱。欲與新林壑。草堂結處。松陰應蔽牆角。春日南垞詩不知黛色成

沈寧祚和何年買斷。

先生題南垞壁詩買斷竹垞將四載

別金門舊侶。鷗邊樓泊。除却歸耕無

簡事。八萬卷中身託。芳草多情。好山如畫。最是吾廬樂。著書老矣。春長莫放花

落。贏得竹間平安。農量晴雨。

用池上編雜詩意

相對應浮酌。白屋幾間堪笑傲。不

用紅茵雲幙。牆外樓除。圖中人去。展卷思亭壑。名流題處。清歌齊協清角。

盛如柏和。揚舲萬里。憶粼粼長水。歸來恬泊。少賤山中曾足齒。拋却鄉園誰託。邀取湘烟。灌教春雨。那識先生樂。平安通訊。不隨寒燠開落。遙想拓箇林廡。猗猗池上。幽處經參酌。投老閒裁新樂府。行裏金臺花幙。籜粉消香。荷衣失翠。猶是尋潭壑。再摹繪素。欲看攤卷檐角。

沈濂和。梅花溪畔。愛灘連繡鴨。釣船閒泊。老矣抽簪歸臥穩。有竹千竿從託。倦覓筠床。閒攜蠟屐。共羨幽居樂。垞南垞北。春光占斷籬落。最是荷雨催涼。茶煙弄暝。池上堪清酌。八萬卷書皆著錄。深護芸牕簾幙。三徑非蕪。六峯環翠。別自成邱壑。凭闌吟望。夕陽疎逗林角。

錢繩祖和。萬人海裏。便拂衣歸去。蕭然高泊。雁塞羊城遊歷徧。老愛江鄉閒託。短艇叉魚。長鏡撥筍。不讓漁樵樂。秫收半頃。糟床濃滴桑落。最是剪韭宵深。看花畫永。畱客聯琴酌。一榻著書人坐處。亭外遠山如幙。徑任荒蕪。名還不朽。重與圖林壑。年年春雨。竹根青放園角。

徐熊飛和。金風亭長。昔藏書萬卷。布帆歸泊。一片蓬蒿秋色冷。竹素祇今誰託。

葛帳西華。柴門南圃。無復禽聲樂。畫圖風景。野花猶繞籬落。莫問槐汧琴牀。菱池釣艇。鴈舫梨花酌。眼見孤亭重結構。面面風牕雲幕。學士星輶。郎官驄馬。乘興尋林壑。垞南垞北。翠筠深護簷角。

仇國垣和鴛鴦湖畔。記曾經到此。扁舟停泊。試問竹垞何處是。惟有閒雲棲託。半世山林。一朝簪組。空自關憂樂。于今重過。樓臺遙映墟落。猶憶白首歸來。丹青曹霸。畫意同參酌。暢好規模都似舊。何論風簾雲幕。三影新詞。八叉麗句。用先生詞句。徧滿題巖壑。先生知否。月明斜掛亭角。

袁鈞和垞南垞北。是先生老去。結廬棲泊。留得白頭曹霸在。畫意詩情曾託。淺渚撈蝦。橫塘餽蟹。消受歸田樂。而今剩有。素箋猶未淪落。正好學士才華。鴛湖小住。細意頻商酌。魂魄百年應戀此。想像燈龕書幙。矮屋三楹。疎篔万个。重理閒邱壑。巡檐一笑。梅花開滿籬角。

汪嘉穀和江湖載酒。問春明夢斷。幾年漂泊。娛老橋邊歸計穩。隨分琴尊堪託。垞北垞南。竹山竹屋。天與歸耕樂。荒亭煙雨。燕泥梁上頻落。賴是綠鬢使君。

昇平盛事。此地尋苔酌。牆缺慳慳吹竹粉。依舊翠交書幙。金粟前身。瀛洲佳話。先後開雲壑。畫圖重認。擲頭須繫籬角。

陳鱣和。垞南垞北。問潞河遊子。何年歸泊。極目江鄉風景好。妙手傳神空託。青史成編。白頭解組。才了田園樂。星移物換。畫圖幾轉流落。設也抱向空山。不逢賞鑒。舊迹憑誰酌。剪取生綃摹粉本。依樣雲山遮幙。酒盞詩筒。筆牀茶竈。位置宜幽壑。循環展玩。填詞聊附藤角。

陳箕和。荷花池上。是金風亭長。移家停泊。有竹千竿書萬卷。結箇團瓢欣託。經義編成。詩詞綜就。得遂餘年樂。斯人往矣。披圖太息搖落。賴是七錄名家。衡文浙水。感舊頻商酌。市石量材彈指事。取次鋪筵張幙。精舍重開。畫中省識。光並生巖壑。一時佳話。題名看徧櫓角。

朱休穀和。紫茄白莧。歎當年天籟。圖書飄泊。豈料長蘆經史席。亭館也愁無託。剩有丹青。海陵妙手。空繪谿山樂。垞邊池畔。誰尋芳槿籬落。何幸南省宗工。黃堂名守。佳事頻商酌。吟院花欄多約略。重設著書簾幙。曠世相知。披圖親訪。

旌旆來邱壑。茶烟舊句新。詞好與犄角。

朱休達和。芳塘非舊。任西風瑟瑟。殘荷飄泊。昔日琳瑯千百卷。經義詩文何託。

槐市仍黃。桐坡猶碧。寫出園林樂。書亭人杳。空繪溪前花落。却憶潘李同盟。

沈朱結社。攜酒頻邀酌。幾見春鶯秋雁度。剩得寒烟如幕。綺疏教裝。芸窗重整。

膏澤沾幽壑。絳驢停處。夕陽方掛櫓角。

案以上凡三十三人

謝啓昆題竹垞圖詩。指點長蘆舊釣溪。鴨欄蘧舫結幽棲。南垞有竹教兒護。玉

版籬根膈膊雞。用先生春日南垞雜詩語春明歸夢隔紅塵。利徧清辭一闕新。留得俸

錢山可買。百年喬木舊詞臣。秋匡絕技寫鴛湖。題字猶存退谷無。先生曾屬孫退谷題

竹垞二字牆角未添亭子圯。何人重補暴書圖。阮芸臺學使邀同人將葺暴書亭我有蘇潭屋

數間。篔簹萬个碧潺湲。丹青敢擬先生樣。臥看章門一角山。余家豫章築室曰蘇潭有圖并

詩紀

秦瀛題竹垞圖詩。金風亭子小長蘆。前輩書堂剩畫圖。千箇篔簹數間屋。瀟湘

煙雨碧糝糊。百字清詞唱曉風。後來詞客句還工。農曹祇笑貧如許。不向南
垞買半弓。杜陵老去夢歸遲。曹霸丹青頗擅奇。淮海阮公真好事。披圖重與
寫煙枝。南湖煙月淡郊坰。使者年年白舫經。一角斜陽如畫裏。西風吹老暴
書亭。

馮集梧題竹垞圖詩。尋思舊事廿年餘。竹裏幽蹊有敝廬。牆角小樓添未得。蕭
蕭白髮自攤書。小園賦就庾蘭成。莫訝先生太瘦生。萬个琅玕風過處。一時
齊作鳳凰鳴。凌晨彙筆入承明。回首江湖百感生。老子婆婆無不可。早時煙
雨寫歸耕。披圖恍對舊儀刑。識密須教眼倍青。野水蒼茫柔櫓外。人間又見
暴書亭。

案蘇潭方伯小峴觀察鷺廷內翰三詩。皆題曹秋厓所作舊圖。

阮元暴書亭詩。久與垞南訂舊銘。江湖踪跡髮星星。六旬歸築三間屋。萬卷修
成一部經。鷗鳴灘頭秋芋熟。落帆步外古槐青。笛漁早死雙孫老。誰暴遺書向
此亭。

案暴書亭。在荷花池南南垞之北。詳見第一卷中。

戴光曾詩。小長蘆畔好江鄉。太史歸來築草堂。四布衣名重潘李。十州郡社壓吳姜。垞分南北空秋雨。水繞東西自夕陽。過客不堪重問訊。遺書零落一亭荒。吳師澄詩。舊史梅溪宅。書亭展畫圖。倦遊耽著述。投老足清娛。射鳴人何在。鈔書迹已無。荷花池畔路。猶說小長蘆。

沈汝鳳詩。老屋擢殘事有無。垞邊曾記小長蘆。歸來彭澤餘三徑。載去鷗夷尙五湖。語見趙秋谷贈竹垞詩鬪鳴闌荒閑種芋。落槐巖冷更凋梧。遺書問有何人暴。回首空亭月影孤。

沈德毓詩。檢討歸來槐市斜。園亭竹翠影交加。櫂迴秀水臨長水。徑轉南垞認北垞。樂志擬同仲長宅。談經堪並鄭公家。破餘萬卷名千古。濯錦江邊說浣花。馮振輝詩。虛亭一笠已蕭然。當日攤書暴最便。梅里世尊經義席。竹垞歸載潞河船。寒儒著錄更難富。後學聲華誰繼前。自有草堂傳杜叟。爲瞻賜榜尙高懸。

徐齡度詩。梅會猶傳舊里居。幾叢寒玉小亭虛。爰基宅近看浮黛。顧况臺遙對讀書。權返鴛鴦餘水調。垞通南北有蓬廬。菱池槐汧依然在。欲補新圖恐未如。吳瀛詩。茶烟閣畔賦閒居。留得空亭好暴書。收在潞河歸舫後。吟成鴛水權歌初。江帆影落談經席。笛譜詩傳學釣漁。三叟舊游何處問。試來池上看紅蕖。丁子復詩。先生著錄八萬卷。六十歸來剩一亭。大布衣徵修信史。小長蘆僻考遺經。菱池秋冷風前樹。蘭砌春荒雨後庭。垞北垞南娛老處。讀書還照舊燈青。案以上八人詩。見芸臺先生所刊浙江詩課第五卷中。時在元年秋七月也。

竹垞小志卷五

學使者阮元手訂

元和蔣徵蔚編錄

嘉慶二年秋。芸臺先生再駐節嘉興。正值重建暴書亭落成。更和百字令詞紀事。太守伊小尹先生復爲之記。一時士人之歌詠者。皆附錄焉。

阮元暴書亭落成重和云。南垞荒矣。問書船。踏水何人停泊。經卷詩篇零落後。魂夢向誰棲託。把酒能招披圖相慰。畢竟歸來樂。結成亭子。我今重爲君落。才見五馬行春。雙鳧漾水。攜畫同斟酌。尚有孫枝桐葉在。護爾秋風蓮幕。登石栽花。引牆圍竹。依舊分林壑。者番題柱。夕陽休羈牛角。

案芸臺先生自記云。元旣摹竹垞圖。和詞題卷。復屬伊太守湯安。司令尹能。任何令尹際昌。重建暴書亭。立四石柱。以鐫文筆。嘉慶二年秋。元再至嘉興。適當落成。太守復得其後人。授以館穀。且爲畢婚。皆佳事也。因復和百字令詞書於卷後。

伊湯安重建暴書亭記云。梅會里暴書亭者。秀水朱竹垞先生所築。而因以名。

其集者也。先生舉康熙戊午詞科。入翰林。預修明史。歸田後。擁書八萬卷。勤著述。尤篤於經。所輯經義考三百卷。

聖祖南巡。賜額有研經博物之褒。乾隆四十二年。

太上皇帝賜題長律。海內翕然宗之。嘉慶元年。學使閣學儀徵阮公案試禾郡。以講經術。敦行誼。爲士子訓。士風振起。湯安承乏郡守。於士之賢者。亦皆識之。試事畢。公特訪暴書亭遺址。則廢已百年矣。乃與大中丞玉公。方伯謝公。觀察秦公。議修是亭。而湯安實任其事。遂清復遺址。官給值以贖之。芟荒鋤蕨。繚以短垣。亭柱四。易以貞石。使可久。且以爲鐫字之地。仍懸嚴蓀友中允所書扁。過者不啻先生在時也。且蒔花貼石。畧還桐階蘭砌之舊。牆陰有桑百十株。則畀其後人資修葺費。而蠹之菱池芋陂。以及繡鴨灘落帆步諸景。供遊觀之勝者。姑俟諸郡人之續成焉。可已。是役也。邑令司何兩君。爲湯安分任其事。而司諭車君專董之。落成之日。乃進斯鄉之人而告之曰。公之建是亭也。非徒惜名迹之湮沒也。非徒爲檢討子孫復祖業也。將以使鄉之人知鄉之有賢士大夫。雖

沒世而猶當尊且敬如此也。使檢討之子孫知先人之遺書手澤存焉。當守且讀如此也。且以使四方之士聞之。知通經博古。述作不朽。潛德久而益光。其興起當如何也。知

聖天子以正學教天下。學使奉

命稱職。必以經術深厚文章爾雅之儒。是崇是奉。其奮發激厲。又當如何也。

丁子復重建暴書亭頌并序。子復讀朱竹垞先生鄭康成不當罷從祀議。未嘗不撫卷竊歎。先生表章正學之功。不在孔北海下。而前代經學之疎。我朝經術之盛。胥於是乎在也。閣學芸臺夫子督學山左。過高密之里。表通德之門。抉泥沙。修祠宇。刊碑頌德。獎厲後昆。海內士林聞之。咸以手加額。幸孔北海復見於今日也。嘉慶丁巳歲奉

天子命。移節浙江。發明經術。砥礪廉隅。振拔寒峻。人又翕然以爲司農再出矣。駐節嘉禾時。訪問先生里居。惜其後不振。暴書之亭。傾圯日久。乃率僚屬捐廉重構。巋然復峙。蓋我夫子學司農之學。故得一重司農之人。不啻如見司農。先

生亦學司農之學者也。子復幸廁門下。得聞緒論於先生。又同里後學也。喜見此亭之重建。爲之頌曰。暴書之亭。長水之偏。亭圯名存。斯愛斯傳。吁嗟先生。曠風龍跽。身窮於野。名達於天。應鴻詞舉。爲玉堂仙。史修芸閣。書進經筵。遂初解組。著述林泉。

御筆褒賞。日月同懸。爬梳經義。討原尋沿。擁八萬卷。以娛老焉。著書亭內。暴書亭前。風漫高揭。書帶葱芊。山邱華屋。倏忽變遷。桂戕偃蹇。竹翦便娟。雨風淒緊。猿窟惘然。我聞父老。亭剩頽孺。有壘菽者。輒病而癩。留此尺土。待公架椽。公昨莅止。訪舊流連。鳩工起廢。累石支磚。取松與柏。有角其椳。貞珉礪錯。詩記雕鐫。舊觀頓復。既固且堅。猗與我公。馬鄭隨肩。七錄手校。百家手編。仙館書富。秘室經研。津逮承學。紹述先賢。斯亭之建。風義昭宣。澤媿通德。名高草玄。仰止何極。六峰蒼然。

鄭勳重建暴書亭銘。嘉慶元年丙辰。閣學阮公案試嘉禾。過竹垞先生故里。見暴書亭已圯。慨然捐俸重建。大中丞玉公以下。皆樂助其成。二年丁巳秋。復駐

節則巋然峙焉。過柴桑者。訪淵明之宅。遊浣花者。問草堂之址。此亭之成。一時
詠歌紀事。以公爲先生千載知己。其表章前賢。獎勵承學。功非淺鮮也。勳幸厠
門下。竊有所陳。聞太守伊伐石以爲亭柱。爰濡染筆墨。擬爲之銘。銘曰。梅里
竹垞。拓地百弓。有暴書亭。字錄鉛紅。名士心期。千載相同。重新之舉。表章之功。
憶昔先生。好古由衷。擁八萬卷。亦足自雄。討尋終日。坐臥其中。芸香馥郁。帶草
青葱。玉堂仙史。長蘆釣翁。林泉娛老。文獻是崇。大雅不作。三徑蒿蓬。根芟修竹。
月冷孤桐。變爲桑柘。或植葵菘。問誰起廢。厥惟我公。捐廉創舉。計日糾工。遺規
重復。厦屋旣幃。蘭生舊砌。桂植新叢。表賢式善。起曠振聾。經書七錄。疑義研攻。
後先一轍。著錄貫通。門旌高密。政頌山東。堂題二老。敝廬恩蒙。煌煌椽筆。到處
紗籠。賢哉太守。伐石磨礮。貞茲亭柱。勝彼碑豐。傳之奕世。共仰清風。

李穀重建暴書亭賦。粵東南之文藪。實靈秀之所鍾。曜星躔於牛斗。騰劍氣於
芙蓉。運際歸昌。鳴鳳歌於蕙華。時當景鏤。衣冠集乎章縫。吾里之竹垞。太史繡
州之相國華宗。才高吐鳳。技擅雕龍。鄭經神通德之門。梓里傳爲盛事。班叔皮

賜書之宅。縹帙擬乎素封。固宜推鴻才於四國。邀特達於

九重。原夫暴書亭之構也。初服餘情。菟裘素願。拓百弓以開基。度小園而起建。坳通南北。任步屨以興長。竹號平安。戛琅玕而韻遠。環以槐泚。菱池繞以桐培。蘭畹三蒼四部。長充晏子之楹。玉軸牙籤。足破相如之悶。笑郝隆之腹笥。但鼓便便。類禹穴之駒光。彌憐寸寸。迨乎陶潛一去。菊逕全非。揚子長辭。雲亭空怨。不勝俯仰於一代之流風。而太息於百年之文獻者也。陔陔既久。嘉會適丁。逢淮南之學士。臨

天上之使星。出入於天祿石渠校書之閣。雍容於承明金馬著作之庭。乘軺車而衡玉尺。採風詩而訪前型。聞遺亭之荒圯。捐餘幣而丁寧。仰

奎章於天漢。昭博物而研經。上體

熙朝。用光昌乎儒術。下彰文炳。速教化於螟蛉。此固有關乎氣運。夫豈僅係於一亭。更有太守風流。股肱名牧。著雅志於琴書。寄閒情於案牘。念前輩之風騷。嗟舊亭之荒鞠。於是命般輪輿卜築。劇良材以鳩工。尋遺址而建復。文牕敞以

玲瓏。雕欄周乎曲。衆亭仍可樓。書仍可暴。曲水通波。小山豁目。有池有荷。亦垞亦竹。花氣半床。松聲滿屋。如聞馨咳。依然逕關三三。恍入畫圖。渺矣峰圍六六。想夫茶烟凝閣。靜志宜居。當暝和之朗日。暴秘玩之羣書。史則騰龍門之神彩。經則傳韓氏之菑畚。諸子旣雲譎而波詭。百家更充棟而承廬。上自墳典邱索。下迨小說虞初。莫不香生萬卷。光溢五車。神遊百代。味玩三餘。此太史當日結亭之趣也。而今則情景之宛如。可知名以久而益彰。蹟無湮而不露。旣殷訪於當途。遂更新乎舊圃。欣欣助則清俸能捐。論梓匠則香楠畢聚。登斯亭者。莫不景仰盤回。婆娑企慕。况乎謝家羣從。不改儒風。王氏門才。正繁蓴附。攤書五夜。仍紅編舫之燈。垂釣三秋。克繼長蘆之步。何足與南陽樊重。洞房連闥而並誇。西漢王根。青瑣綠墀之比數。於是命朋儔。披蘭路。認芸籤。拂竹素。誇桑梓之光風。挹清芬於朝暮。仰前哲以馳情。愧抽毫而作賦。

又詩。海內徵文獻。巍然仰此亭。秋光先到竹。池水舊開萍。清助羣公俸。高翻秘閣經。垞南好風日。仍對六峰青。

昔表孤松健。

舊址側有古松一株

今看一角新。圖書日

畱客。花葉盡生春。此地增佳話。他鄉亦美輪。四明傳盛事。配食曉行人。四明鄭氏有二

老閣為鄭秦川黃梨洲兩先生講學之地公命鄭生勳別建二老堂奉祀寒邨竹垞兩先生栗主有詩云別擬建堂尊二老竹垞經義曉行詩

吳曾貫暴書亭落成詩。園敞通儒里。亭開檢討家。眾愿懸舊額。嚴檢討繩孫所書暴書亭額猶存

丹藻落飛霞。迤邐修垣繞。紆廻曲徑斜。攬蘭仍北砌。亭有桐階蘭砌問竹儼暨緇

南垞。緬昔先生系。曾傳幸用麻。餅山環繡水。文恪公國祚舊第在郡城碧漪坊吳苑闢朱衙。文

贅於長洲何氏遺宅近臨頓里門今有隙地名朱衙場見暴書亭詩注再世奇英出。羣材駿逸誇。髫年居橋李。先

幼居舊第年二十一始移居梅會里。綺歲對王瓜。先生六齡就塾以后稷對王瓜見墓誌

蟲簡搜三篋。蝌文博五車。襟懷元澹蕩。詞賦最清華。落魄嶺南驛。驚心塞北笳。

先生嘗募游嶺南後又訪曹侍郎溶於塞上馳驅常激越。奔走每吁嗟。旅食依蓮幕。鄉情戀釣楂。

權歌聞欸乃。先生旅食潞河作漁唱記嘔啞鶴放雙洲樹脂傾十里花鶴

洲傾脂河竹鄰歸未得生幼時嬉游地也。見權歌。梅里願逾賒。幸赴柴車。

召爭看繹帛加。康熙十七年特開制姓名三殿徹。先生與李檢

修宸英殿檢討繩孫號四譽望十州嘉。先生會與尤檢討珊網收羣俊。

布衣上達

瓊辭擅八叉。衣辭蓬室布。帳啓玉堂紗。趨直晨過棘。歸鞭暮策駟。先生官供奉賜禁中騎馬

瀛洲凌汗漫。蓬島躡谿舫。

恩賜詞臣酪。

榮頌學士茶。爨烟連禁樹。庭影集

宮鴉。賜居禁垣景山之北

共謂羣空冀。伊誰曲愧巴。談經窮月窟。揮翰走風琶。

老去增孤潔。年來鄙飾塗。一從形白簡。無復佩青緇。花市紛開纈。藤簷細綴葩。

先生在都寓古藤舊屋後移寓槐市斜街集中所云爲貪花市斜街是也何心廁鶴鷺。雅願侶魚蝦。屬禹鳴臚尚基

寫小長蘆日下搜羅遍。輯日下舊聞天衢企望遐。元珠探象罔。寶鏞淬干邪。自

動雲山興。言歸煙水涯。先生出都王山人畫山水作別藁荷香滿沼。亭結於荷花池南菱芋

碧連沙。不羨面城僻。奚嫌近市譁。市名飛檐方結構。列檻更週遮。插架琳瑯

滿。盈箱卷軸奢。床琴珠作柱。屏石玉無瑕。水響灘歸鴨。烟深岫隱巖。碧梧陰羃

歷。翠柏勢騰擊。夜雨滋青蘚。秋風落紫茄。一簾穿社燕。兩部聽鳴蛙。晚境長娛

此名園豈遜耶。編詩想陳起。集中句云直待書坊有問字半侯芭。迎

駕懷瞻就成書。進婢姘。儒林追鄭孔。古哲夢羲媯。一一憑梳櫛。紛紛藉剔爬。紅

光。香漢。

瓊榜走龍蛇。康熙四十四年賜研經博物四字匾額。回首書千帙。空存

水一窪。池上偶成句云槐閒門延薜荔。荒徑折籬笆。巢樹鷗傾鶴。黏牆雨

占蝸。那期持絳節。輒復問蒼葭。身欲維風雅。言寧惜齒牙。去歲學使阮公按

尹先生重建今按為梁求杞梓。作棟豎松樺。匠石經營竣。羣工笑語哇。依然

壁歸趙。嗷彼日追夸。紀勝丹毫繪。來遊畫鼓搗。遠看樵竈。隱見樹杈桠。柴戟

迂高駕。琴書載小舣。前迎咸踴躍。創見共歡呀。圃菊猶含蕊。汀蘭未吐芽。新楹

歌有覺。故址認無差。入望層巒迥。安山在西橫山關心古研窠。研山為昆

去見香欣隨官舫至。野艇自輕划。祖錄記

李富孫重構暴書亭落成紀事詩。

聖代崇經術。羣瞻梓里賢。傳家由故相。竹培先生為文應

詔列神仙。

先生以布衣舉鴻詞科

杜庫兼包孕。曹倉悉貫穿。牙籤儲八萬。

暴書亭藏書八萬卷

琴譜錄三千。

禁苑投簪去。香茅結屋偏。

亭為解組後所築。先生池上編籀詩試添隔岸香茅屋。

購藏堪暴蠹。先生

曰購此書甚不易。願子孫勿輕棄。每得精本必印於首頁。作述正歸田額捧。

奎章燦。

考聖祖南巡先物。賜研經傳物扁額。題邀。

御翰宣。

乾隆御製排斯文推正系。潘稼堂序暴。

大雅孰隨肩。遺

著垂千載。流風溯百年。一亭嗟蔓草。三徑惜荒煙。星使欽嵩華。淵源接後先。丁巳

春公倡捐重構。

漢唐追碩學。鄭孔得真詮。汲古深涵海。研經力障川。

公有研經室。玉壺冰

皎皎。春月柳娟娟。浙水欣陶育。羣材沐化甄。採詩情繾綣。

公輯兩浙遺詩三千餘家。名兩浙軒錄。訪舊意殷拳。為憶金風長。

先生晚號金風亭長。兼詢往日椽。榛蕪殊慨息。蒿沒更繁牽。

文教資重振。清廉首倡捐。羣公咸節儉。

自中丞五公以材佳話喜成編。遠近賦耐園郡守。實主其事。鳩材親會計。拓地助緝

錢。亭舊址已易他姓。太躋雅逢賢守。勳名望斗躔。躋自誅茅見。功因伐石堅。

構俯清漣。亭在荷花池之南。既藉芝為棟。還看蕙作樓。桐階當月底。蘭砌倚風前。巖

露栽青桂。桐階同心蘭砌青桂巖皆亭畔景名先。池平漾碧蓮。亭在池

又有翠筠移岸側。暴書亭偶然作詩忽露一枝巖桂香。岡記名橙子。

北垞之西坊宜號釣船。池上有。芋坡晴漱豔。芋坡在。槐汴水潺湲。槐汴在

靜志居尤寂。靜志居。抽帆步亦便。抽帆步池上景。茶烟斜繞竹。茶烟在

松黛欲參天。先生南垞詩移。強驅舫楫空落。驅舫在。羅浮蝶更妍。羅浮在

浮翊芭蕉長滴雨。楊柳自吹綿。暴書亭偶然作詩。門巷鳥聲靜。芭籬鹿眼

圓。先生積雨時鹿眼籬綻黃薔薇。六峰看好在。六峰閣開映石東西

擬築橙子一箇故依然。暴書亭偶然作詩。園小傳真易。暴書亭偶然作

關獨易傳江堂開景共延。北情已久圮。畫圖洵似矣。先生須知庾信園

殊焉遙想招吟展。頗過對酒筵。往來同摩話。歌詠並蟬聯。秋水寧修阻。蒼葭獨

泝沿。先嚴士秋錦公都邑生交最。水扶輪商古調。翫燭和鳴絃。南北垞分占。

先生題王叔楚墨竹相隔家長。東西瀼接連。孫嚴濡墨健。竹垞二字孫

水一茅屋南垞北垞與先竹。

暴書亭編爲嚴周沈伴花眠謂里中側帽量晴雨池上編

中允瀉漁筆南垞詩著履藍邨諸先生咸知歸領袖不僅樂林泉老輩嗟何選高踪孰

攜筇越陌阡扶筇越陌阡與傳維持端有賴興起詎無緣盛事真堪紀鴻文試重鐫公與郡守俱有

豈徒鄉曲士共仰日星懸

楊蟠方廷瑚重建暴書亭紀事聯句一百韻海內尊朱十蟠孤亭鎮九垓布衣

名姓重廷瑚宰相世家貧少日矜儒雅蟠流風見性真立言皆有物廷瑚涉筆

盡如神交與周貧徐善合蟠情惟俞汝繆泳親獨吟邀短李良年廷瑚薄醉覓

迂辛述作平生癖蟠疎狂舉世嗔數年棲粵嶠廷瑚幾度滯吳閩煙雨歸耕客

蟠江湖載酒人聚書開勝地廷瑚展曝趁良辰玉軸題籤滿蟠香厨插架勻蝸

涎汚詰屈廷瑚蟲粉剔磷幽短檻時頻倚蟠層檐日幾巡夕陽移柱礎廷瑚朝

旭射挾振瀏覽三墳出蟠紛披七略陳藏來八萬卷廷瑚抵過百千緡探討無

虛暑蟠眠餐廢浹旬然縑深雪夜廷瑚散帙好花晨辨析援鄒夾蟠搜羅徧墨

苟放言雖媿媿廷瑚論古迺齟齬夾深訶刪序蟠司農議肇禋詩尤拮魯直廷

瑚文不愛蘇洵。曬後投諸篋。蟠嚙殘疊以茵。食常甘茹藿。廷瑚衣豈恥懸鶉。方謂耽幽僻。蟠終將洽隱淪。何期千里志。廷瑚歛忽一朝伸。籍未通金馬。蟠名先

徹。紫宸自南儲竹箭。廷瑚當代得麒麟。本是漁樵侶。蟠俄聯侍從臣。

御香攜錦袖。廷瑚官馬踏花茵。檢點晴牕字。蟠霏微菹褐塵。臨池揮秃管。廷瑚

度曲付歌脣。仙苑非踰分。蟠名山乃夙因。抽簪辭朶殿。廷瑚單舸返湖漣。三里

梅環屋。蟠干竿竹作隣。為園追庾信。廷瑚築室仿靈均。廣關三三逕。蟠閒談八

八民。先生贈閩百詩云並馬。駟劇談九皇。八八民。荷池聞菴謁。廷瑚酒庫貯芳醇。盤進烏頭菜。

蟠厨烹雉尾蕪。奇文尋共賞。廷瑚疑義肯相循。亡篋皆能補。蟠遺書靡不甄。泰

交會特達。廷瑚

異命又重申。已沐冰銜賜。蟠還叨雨露仁。

奎章紛璀璨。廷瑚

睿藻麗玢璘。稽古先生力。蟠崇儒

聖主恩巾箱恣貫鼎。廷瑚腹笥妙紛綸。養粹功彌進。蟠年高德愈純。課孫心眷眷。廷瑚東友語醇醇。沿上攜吟屐。蟠坊邊繫釣。懶覘峰六六。廷瑚倦聽水潏潏。草閣臨虛岸。蟠瓜疇失遠。吟桐摧稀鳳羽。廷瑚松折少龍鱗。垞北人纔去。蟠洞南跡便湮。晝陰低密篠。廷瑚晚翠委叢筠。壞壁青藤絡。蟠頽垣碧蘚。皴亭荒全積草。廷瑚堂圯半埋藁。憑眺懷摩詰。蟠經過感邨詵。蛩蟻鳴唧唧。廷瑚狐兔走狉狉。巖桂何堪折。蟠盆蘭孰與。紉末由栽杞菊。廷瑚空欲薦蘘蘋。先達風將杳。蟠吾儕氣益振。關心思往事。廷瑚翹首望秋旻。仰止應如此。蟠芬芳未可泯。浙西無嗣響。廷瑚江左得傳薪。邇者名賢至。蟠超然化理淳。葑籠收杞梓。廷瑚珊網滿琪珣。持節漸江介。蟠觀風秀水濱。菲材蒙藻鑒。廷瑚苦窳待鎔鈞。得士皆殊絕。蟠論文邁等倫。羣知卑帖括。廷瑚咸許屏咕呻。金石文爭考。蟠鈎鈔法共遵。中流看砥柱。廷瑚大雅賴扶輪。博物空前輩。蟠研經認後身。竹垞神契久。廷瑚軀舫寄懷頻。舊跡曾垂訪。蟠遺聞每致詢。花凋紅菡萏。廷瑚峰減碧嶙峋。圖畫徐堪撫。蟠林泉盡足珍。寒厓猶稜稜。廷瑚芳甸尙眴眴。亟爲徵詞句。蟠

旋教出俸銀。買田除瓦礫。廷瑚持錘去荆榛。衆技精淘汰。蟠良工妙選掄。香茆

依舊縛。廷瑚紅土再加瑾。華棟中央列。蟠豐趺四角填。涉隣闌干圍曲衆。廷瑚

磬石帖輪囷。蘇榭經重構。蟠枳籬又一新。菱池風蕩漾。廷瑚槐汧縹緲齋。鶴起

梳翎健。蟠魚游掉尾莘。軒楹分外敞。廷瑚鳥雀復來馴。小閣宜烹茗。蟠長蘆好

問津。福包三九地。道書洞天福地在浙江共二十九有廷瑚樹計八千椿。時將補種竹樹

回想披芸笈。蟠渾如見角巾。淵源非渺渺。廷瑚子姓各彬彬。感激爭延佇。蟠歡

忻屢笑。嘖。憲明仍照字。廷瑚榻下可留賓。官冷欣來鄭。謂車學才高喜借恂。

謂伊郡守詩求題巨筆。廷瑚記請勒豐珉。盛事誇吾里。蟠長歌效客聲。靈光常紀魯。

廷瑚天一並留郵。覆蔭棠如召。蟠流膏雨是郇。從游著錄地。廷瑚勝似舞雩春。

蟠

吳東發暴書亭落成詩。誰道杜陵零落後。百年重寄草堂貲。零落棲遲杜陵更何人向寄草

堂貲竹垞暴書亭偶然作句也頓教問字亭重構。俾識窮經事可師。著色短屏依舊補。護廬

寒玉待春移。旌揚碩德殷勤意。生長鄉閭知不知。

張廷濟暴書亭落成詩。當代論儒術。長蘆一釣師。丁年騰駿譽。甲等擢鴻詞。結屋一亭古。藏書萬卷宜。阿誰圖八景。蘭砌與菱池。長水人何在。空餘舊跡存。草荒揚子宅。雲鎖鄭公門。故址隣翁圃。殘畦野老園。遺編半零落。風雨孰重論。星使森文雅。研經接後先。發題詩課盛。摹象畫圖偏。爲復金風宅。因分月俸錢。遙遙百年後。舉廢豈無緣。結構規前制。孤亭勝可探。桑陰遮老屋。荷影俯清潭。樂石鐫新柱。奇書認舊龕。它年志梅里。故事話垞南。

金以報暴書亭落成詩。管領駕湖萬頃秋。小亭重憶舊風流。溪山興廢成佳話。煙水縈迴足夢游。名士心期千載合。詩人老屋百年留。標題合倩凌雲筆。垞北垞南待放舟。

錢械暴書亭落成詩。草堂結構宛如前。雲幙風窗映碧漣。牆外小樓浮夕照。垞中綠篠帶秋煙。藏書可惜成前夢。柱石爭看勝昔年。一榻註經人坐處。思量風景尙依然。

張霖暴書亭落成詩。太史詞名重。遺編奕世珍。荒亭逾百載。故址慶重新。藻采

輝今古。文章啓後人。荷花池上路。依舊昔年春。

張龍鼎暴書亭落成詩。先生著書時。結亭梅里曲。書成八萬卷。一一手所錄。滿架堆琳瑯。籤題界金粟。紅闌四面排。暴書向晴旭。人去悵亭荒。遺編誰約束。追憶小長蘆。秋梧飄野綠。名賢欣戾止。衡鑒操冰玉。懷古重徘徊。遺書緬遺蹟。鳩工煥重新。屋與亭連屬。鴛瓦壓簷齊。傍池波漲淥。翼然飛角崇。停車閒眺矚。作詩記功成。佳話千秋續。

周繼善暴書亭落成詩。荒亭猶記竹垞名。遺址於今見落成。梅里百年尊太史。儒林千古重先生。斜陽斷葦平依岸。淺水殘荷半繞楹。若使小樓如可建。我來攜卷聽秋聲。

戴光曾暴書亭落成詩。不逢風雅主。誰重昔人居。零落百年跡。叢殘萬卷書。從來惜名士。亦若愛吾廬。千个亭前竹。春風挹有餘。

沈大成暴書亭落成詩。槐沂芟池近。已無百年誰。到小長蘆。落成要待新詩句。位置皆依舊畫圖。修竹重栽千萬个。垂楊低種兩三株。我看鬪鴨灘前水。曾着

橫經老釣徒。

丁子復暴書亭落成詩。二老堂高敞碧天。

慈谿鄭孝廉書常家藏竹垞先生贈其高大父寒邨先生詩墨

讀雲臺閣學題其堂曰二老屬奉兩先生

輜軒采訪重前賢。琅玕繪後編詩軸。亭榭新來割俸錢。

槐泚菱池尋曲折。雨窗風幕映便娟。六峰四面青如許。卷帙飄零意惘然。

陸用瀚暴書亭落成詩。蘋藻秋風薦淥醴。小長蘆畔記曾經。後先事業期千載。

今古才名共一亭。此日園林人立石。當年詩酒客盈庭。南垞更植琅玕竹。試共

攤書碧滿櫺。

金光烈暴書亭落成詩。太史好古五經紛綸。

詔求鴻博言就蒲輪。承明著作爲侍從。臣銘詞碑版。照耀千春。

緬昔歸田築

亭晏息。萬卷琳琅。古訓是式。顏曰暴書。游心翰墨。長水之南。橫山之北。大雅

不作。零落青箱。扶風帳冷。子雲亭荒。菱池槐泚。秋水空長。伊誰重構。繼魯靈光。

實惟我公。輜軒南出。建康成祠。鴻文珥筆。復建斯亭。落成不日。式是南邦。以

崇經術。

沈汪度暴書亭落成詩。昔者太史淵懿經術。歸田著書。堂開一一。竹影紛披。琴趣橫逸。藏八萬卷。小長蘆側。南窗洞開。時就晴日。蠹走瑤函。香飄細帙。哲嗣云遙。漸歸蕭瑟。槐泝波澄。菱池水溢。使君軺至。乃命丹漆。重構斯亭。軒楹秀出。花木周遮。巉巖峭峯。壽以文詞。以安以佶。更徵遺書。搜羅罔失。愧乏鴻文。凌雲載筆。爰記落成。千秋永吉。

蔣浩暴書亭落成詩。先生水竹爲生涯。乞歸梅里移作家。十三經考富五車。八萬卷書。棧天葩。才可補天奪靈媼。白雪新詞樂府誇。潛采之堂。篋管遮。先生避鷲遠塵譁。樓鞵桐帽除韃鞞。手編六枳成籬笆。了鳥窗仄。樞舫斜。菱池槐泝堪通。艇青桂巖立高。嶮茶烟閣起。凌烟霞。招譚給事手亂。義狂吟醉奪。邨鼓搗。笛漁趨庭蘭茁芽。揮毫袖底蟠靈蛇。有亭翼然書交加。緜帙參差如鱸。斷四壁空洞拓窗紗。日光穿樞射窅窳。先生一去人興嗟。騎鯨空賦歸來些。蕭條故址草如筆。瓜蔓壓徑牽蓬麻。斷垣腐瓦堆碾。名公下車心嗟呀。愛人愛及屋上鴉。草堂之資寄非賒。斯亭重整開荒葭。軒拂螭峭壁掃。百年古樹枝杈。豫

章不栽爲乞花。柱礎四圍丹碧塗。枯蘆瑟瑟蓬背爬。扁舟長水尋魚蝦。憑弔先生著錄奢。葉黃苔碧南北垵。

湯禮祥重建暴書亭詩。檢討昔歸田。終朝事著作。暴書一草亭。坐臥有餘樂。下筆追典謨。說經恥穿鑿。碑版窮冥搜。蟲魚細商榷。依稀魯靈光。斯文默有託。大雅旣云徂。此亭亦荒落。於今未百年。故址日以削。峨峨閣部公。早步石渠閣。衡文到兩浙。高名齊五嶽。夙性耽邱墳。閒情寄巖壑。行部過鴛湖。魚鳥互飛躍。緬彼暴書人。遺蹟尙約略。俸錢樂捐輸。結構愼斟酌。堦除翦榛芳。屋角煥丹雘。庶幾復名區。藉以慰先覺。衰微念遠孫。買田負城郭。盛事輝千春。古道宛如昨。往聞滄浪亭。商邱重開拓。高會挈羣英。詩篇綴瓔珞。公於長水翁。後先相照灼。愛人推屋烏。同調賞牛鐸。豈比醉翁遊。山林恣歡謔。他年政府歸。畫鷁一停泊。還招舊生徒。文酒復酬酢。空亭發長嘯。驚起雲中鶴。

陳鱣暴書亭重建詩。孤亭海內仰名儒。八萬書供著錄娛。一自龍蛇嗟冷落。久教門徑就荒蕪。江湖載酒空詞藻。煙雨歸耕贖畫圖。不有使君能好事。故居誰

問小長蘆。室署研經映後先。星軺嫁浙稱良緣。揄揚早徧徵詩句。結搆重煩

出俸錢。廣攷遺編齋別起。謝蘇潭方伯夫子時輯小新摹粉本壁還聯。夫子

竹垞圖秦小峴觀察夫從茲復古成嘉會。修宅功同北海傳。先是視學山

子力有摹本皆為題詠農祠墓重立通德門按孔北海有修鄭公宅教

朱振圖重建暴書亭志德詩。緬懷小長蘆。槐柳空芳陌。草堂荒復涼。韻事成曩

昔。憶自先太史。獨據談經席。才人並學人。道重蘭臺客。言歸梅會里。娛老耽幽

僻。胸中破萬卷。琳瑯富圖籍。名亭以暴書。久已書成癖。高風忽焉遠。蟾烏互騰

擲。寂寥子雲居。惆悵爰基宅。鉅公持節來。當代文章伯。俯仰懷前修。想像林棲

迹。幸逢賢大守。性本崇儒碩。經營鳩衆工。玲瓏綺窗關。菱池與蘭沚。依舊波千

尺。小子生獨晚。所慚未親炙。遺書歎飄零。無由瞻手澤。况因久羈游。夢繞鴛湖

夕。喜聞棟宇新。凝眸如接弁。勝地重翼然。仍當來詩展。斜橋架綠漪。清流澗白

石。南垞度北垞。蒼茫水煙碧。

朱休穀詩。垞北垞南憶舊廬。當年太史此閒居。一叢寒玉圍三徑。落葉秋林正

著書。縑塵擾擾送吟鞭。老去心情寄一廬。囊裏縱然輸陸賈。琳瑯滿載潞河

船。明霞旭日敞中庭。一一題籤照眼青。休說圖書天籟富。茶烟閣畔暴書亭。

百年詞賦江關重。六十功名著述多。幽意不緣山水約。歸來經義付巖阿。

諸家箋注任雌黃。商訂齟齬翼漢唐。名世尙贏三百卷。豈唯姓氏壓吳姜。荷

塘醜舫總清幽。小墅何殊放鶴洲。放鶴洲係宋朱敦儒故址後歸于六世

父讀書其內洲在長水之北梅會曝書亭在長水之南洲未廢時先生恆往來其間今俱傾圮矣惆悵雲亭空翠好。芸

香銷歇對閒鷗。遺書零落付寒煙。舊日烏衣景物遷。太息研山何處所。榮枯

奚必笑平泉。文章曠世有知音。珍重宗工感舊心。學使阮公臨浙經史之

亭以獎來者不第德澤卿雲覆被處。頓教春煦到寒林。莎廳竹閣兩名賢。

末族增光已也暇日披圖得地偏。亭故址為族人曾植桑麻時太守伊公率疊石引泉

重結構。買溪多判賜餐錢。堤邊紅樹夕陽秋。欣伴行旌此逗留。亭既落成

復到亭上休穀借弟休達邨市依然風景好。權歌聲裏櫓聲柔。周遭文石

疊平基。分付孫枝重護持。學使阮公於亭中顧族兄永之曰斯亭復成

將來當刻詩
於上記其事黃絹他年煩善手。不須還問去思碑。翼然仍復媿曹倉。

賜榜高懸潛采堂。須記栽培深意在。研經應有繼餘芳。

朱休遠詩。小長蘆畔舊里閭。太史當年此結廬。南垞北垞圍寒玉。花藥不羨楊雲居。中年文彩動。

朝宁。晨夕校勘天祿書。歸來萬卷欣所託。閉門不爲林泉約。琴韻閒流靜志居。芸芬時繞茶烟閣。雲散星移曾幾時。秋蛩春鳩忽淒其。荷花池畔莓苔綠。礫瓦頽垣鼯鼠馳。深慚王謝烏衣好。誰問嵇山結社基。亭樹荒涼塵掩几。夕陽瑟瑟過槐市。榮枯興廢迭乘除。由來修舉俟君子。卓哉文苑大宗工。慨念舊蹟埋煙叢。采風懷古一悵望。議行興復謀羣公。遂使蒼茫雲水曲。翼然亭子驚崇隆。潛彩秋晴鞠蕊黃。行旌小駐桑麻鄉。駟馬飛鳧各歡躍。聚觀雜遝如堵牆。忝隨爨序附支末。身侍檐帷意披豁。四壁依稀舊弄藏。竹木千尋猶秀拔。回頭刺刺語族人。修復母負我公仁。噫噫修復母負我公仁。

竹垞小志卷五終